

嘉慶松江府志

松江府志卷七

山川志 山

鄭夾深云郡國有時而移山川亘古不易一方形勢所在顧不重與松郡諸峯以天目爲幹而水亦多自浙右來匯於泖澱沿江以入海惟支津交渠時有通塞昔賢講求水利因時制宜爲澤國言疏濬之法者頗資考鏡若海塘修築永禦鹹潮爲一郡所攸賴尤未容畧也志山川

府境諸山自杭天目而來纍纍然隱起平疇閒長谷以東通波以西望之如列宿排障東南涵浸滄海煙濤空翠

亦各極其趣焉而九峯之名特著

九峯中惟天馬余山最高玉屏斯下矣崑山又下於玉屏此有目所共見也舊志稱千山七十丈玉屏九十丈崑山乃一百五十丈豈其然乎故不詳其丈尺機山最西北云去府二十里細林近東南乃二十五里况竹嶼浮

蘇在滄波浩渺中誰能測之故不詳其道里以上俱顧志案九

章算術有立表測遠因木望山之法所謂度高者重表測深者累矩卽劉徽重差法是也山之道里丈尺原有可憑特顧陳郭三志不言惟楊氏潛言之篇中故仍用其說而錄顧志於前以俟後之通算經者元陶宗儀曰九山離立如幽人冠帶拱揖狀此九峯所以稱也

明董紀曰松之三山三十有二而九峯特著

明董其昌曰吾松之山機雲以古賢名鍾賈直余以  
姓名干山以干將名北粹以竹箭名鳳凰天馬以鳥

獸名神山原名辰山在諸山之  
東南次於辰位今作神者說也

元晏鐸九峯行 三徑重開書屋九峯舊隱人家欲  
辨武陵春色溪流泛出桃花 曲徑沿流上下蒼苔

白石磷磷落日惟聞  
啼鳥空山更少行人

明楊基詩 九峯山頭白雲飛飛來化為遊子衣遊  
子思鄉去不返青天漫漫日日晚 悵悵天河水夜

夜東南流欲知何  
處去流向九峯頭

崑山 在府城西北二十五里 大清一統志按雲 高一

百五十丈周圍八里陸氏之先葬焉後機雲兄弟有辭

學人以爲玉出崑岡因名 雲間志 按陸士衡詩云髣

尼贈陸機詩云崑山何有有瑤有珉穆 山形圓秀而潤

穆伊人南國之紀則名已在機雲前矣

旁無附麗望之如覆盎然志登者從西北攀躋而上有

閣宏敞可眺泖湖其半有讀書臺婉孌草堂白駒泉僧

供二陸先生主於佛殿之西軒其巔爲泗州塔院三聖

閣下瞰大柳在几席間梵燈漁火隱現於蒼煙杳渺中

陳又有紅菱渡在山楊柳橋在秦皇走馬塘西乞花場玉光亭

揖山樓七賢堂二陸三高及陸伯生陳眉公也神虎穴中峯禪師開道場時神虎出聽

說紫藤徑費隱和尚與其首座天則所植湧月臺合白駒泉爲十景九

志初梁時置崑山縣遂誤以馬鞍山爲崑山其實崑山

在華亭不在彼也松人誤以小崑自名江南通志

晉陸機詩孤歌思故叢離鳥悲曹林翩翩遊宦子  
辛苦難爲心仿彿谷水陽婉孌崑山陰替魂懷茲土

精英若飛沈寤寐靡安豫願言思所欽感彼歸途艱  
使吾怨慕深安得忘歸草言樹肯與襟斯言豈虛作  
思鳥有

悲音

未唐詢詩昔有人如此茲山得美名巖局鎖積翠  
谷水斷餘聲喬木今無在高臺久已傾如何嵩嶽什  
獨詠甫

侯生

王安石和王人生此山山亦傳此名崖風與穴木  
清越有餘聲悲哉世所珍一出受教頓不如鶴與猿  
棲息尚

全生

梅聖俞和陸氏幾世祖葬此生令名猶如產美璞  
遂爾傳嘉聲寒巖蓄奇秀源水日東傾何言千載間  
二子不

復生

元王良追和茲山孕奇秀因人得佳名人去山亦  
枯竹柏藏秋聲寒泉湛空碧石穴儼不傾焉知千載

後豈無

君子生

松江府志

卷七

三

段天佑追和九峯三如筍茲山竟誰名不見玉生處惟聞鶴唳聲閣下泉東注岡頭日西傾我思古君

子倚杖暮愁生

凌巖詩九峯西峙北崑崙晉代將軍墓尚存今日捫蘿登絕頂桑邱麥壘自村村

征北遺碑

宋許尚詩崎嶇尋古跡衰草隱寒原欲讀將軍事豐碑祗半存

二陸故居

在崑山之陰

宋林景熙訪二陸故居詩風流懷二陸才名動三吳斯人不可作千載埋煙蕪當時聘俊筆萬象爭先驅有如明月璧美價傾洪都世運無反覆匱眞良園惜哉去就乖毀此千金軀人生皆有死百年同須臾獨遺文字芳乃與天壤俱淒淒崑山寒冉冉谷水枯白鶴久已寂黃犬誰能呼荒祠挂夕陽扁舟入菰蒲采薦薦秋水庶以明區區

明陳繼儒宿二陸祠詩  
精翠遙含最上乘草堂殘  
壁半垂藤一時兄弟真豪士千古蘋蘩但老僧松偃  
空壇巢野鶴客留深竹話孤燈明  
朝更有黃花約山下扁舟到未僧

### 乞花場

明王世貞記  
崑山爲吳屬邑中有山巋然以是得  
號故老云此馬鞍山也去華亭之西南十八里乃真  
爲崑山今以崑山之爲邑故厚之曰小崑山是故婁  
侯陸遜之孫機雲所讀書處也然其大寶不能當馬  
鞍之半而又以地偏而水迂不爲使翰游槩之所便  
習今年丙戌春友生徐孟孺陳仲醇游焉其趾蝕民  
居透逸而上至半嶺而有佳木美箭之屬其勝始露  
更上數十武爲石塔而郡之所誇九峯三柳者悉歸  
焉二子樂之挾塔而下與借東過一莊墅楚楚僧曰  
是鄉老陳姓之室也業且售之無爲主者問其直止  
可三十金二子曰士衡不云乎彷彿谷水陽婉婁崑  
山陰卽此地也夫誦其詩不知其人可乎請售其地  
而祠之置丙舍以歲時廣和詩書其中太原王辰玉  
聞而欣然爲助其不給乃稍稍更飾之其居前俯清  
山川志



疏左右三盤黃石爲短垣其陽獨闕樹槿藩之日槿垣  
中有堂三楹頗整觀斑竹千竿擁之蒼翠襲几席曰  
湘玉堂側室蕉數本輔之曰蕉室中奉二陸主曰二  
陸香火處祠之後左偏石巖高可數十丈空闊瑰奇  
石楠十傳樹覆之石皆作紫紺色曰藉石壑竹後小  
池蜿蜒至屋角而盡蘋藻空明條魚出沒日科斗灣  
出槿藩門則所謂清流者其淺可以菱菱熟則紅如  
夕霞日紅菱渡之水東板橋橫焉左右多垂楊曰楊  
柳橋稍折而東堰水一區方廣三畝駟鶴浴之汲不  
能歷日洗鶴溪斑竹之餘勢上延山椒芟其繁者得  
道而亭曰花麓亭湘玉堂之陽與祠之左爲廣場且  
六畝二子念欲雜蒔諸花卉寶之而橐裝澀矣乃自  
草疏請諸戚執日爲我塗澤此石者花爲我映帶此  
水者花爲我挽客趾者花爲我娛二陸先生之靈者  
花卽捐花而惠之百不爲多一不爲少稱意而已俟  
花成當日澆花井而屬山人爲記夫以二子之所偶游  
而得真崑山以崑山而得二陸之遺蹤於千載之後  
起哀魄腐骨而聲施之久絕之血允一技耳能使千  
觀香火茲非文士厚幸哉雖然藝文一枝耳能使千

載之後若新而況不但爲藝文者又當何如也於是呼筆紀之而致花十種於場

寶奎閣

康熙中僧本月建恭奉

對墨寶及御賜古銅佛一尊

橫雲山

在府城西北二十三里

大清志高七十丈周回

五里本名橫山唐天寶六年易今名與機山相望僅五

里許或云因陸雲名

雲閒志

山多古墓勝國時嘗遭發掘

獲器物甚多輟耕錄所記古銅水滴號神人獅子者亦

出於此蓋陸氏物也其巔有白龍洞潛通澗湖深不可

測下有祭龍壇歲旱禱焉

顧志按輟耕錄松江之橫雲山古冢纍纍然世傳以爲

多晉陸氏所藏山人封生業盜冢至正甲辰春發一家

冢甃上有大元二年造五字按太元東晉武帝時也逆

數而上計九百一十餘年矣或者謂冢有志石但恐事洩祕勿示人家中得古銅壺勺壺洗尊鼎雜器之物二

百餘件內一水浦作獅子昂首軒尾走躍狀而一人面  
部方大鬚鬚飄蕭騎獅子背左手握無底圓桶右手臂  
鷹人之腦心爲竅以安吸子吸子頂微大正蒼腦心  
一席帽衣裙及鞞鷹羽毛種種具備通身青綠吸子渾  
若碧玉論其製作膚理則非又有聯雲障在雲鷲庵上  
舊名平臺石

壁橫互麗秋壁上多楓葉碧巖三冷澗只怡室來谷潭

潭脈由谷水來泉最香冽忠孝祠龍方相國岳貢黃公廬黃子久得

月塔合白龍洞爲十景九峯巖壑迴窅秀幹攢蔚郡人

遊展乘秋萃止以作重丸山麓雲鷲庵跨梁環澗仰視

青壁峭立藤蘿翳陰幽勝殆絕遙西爲王氏橫雲山莊

又西爲張氏宿雲隋松篁掩映夏可忘暑隔水有奇石

隆起東峙曰小橫山志

宋黃庭堅過橫雲山渡長谷詩 雲橫疑有路天遠  
欲無門信矣江山美懷哉謔逐魂長波空咏泛佳句  
洗眵昏誰奈離愁

得村醪或可算

元凌巖詩

七峯嶺萃擁層巒偃蓋孤松石

上婚行兩白龍何處去暮雲深鎖洞門寒

元錢惟善詩

兄弟詞華不世逢青山相對

若爲容洞門深鎖煙嵐濕猶指空壇祭白龍

白龍洞

蹟詳古

宋許尚詩

呼吸湖中水山椒奇

此身洞門風雨夜電火逐雙鱗

橫雲草堂

元唐涿州居

陶宗儀詩

三洲移居屋幾盪青山一帶與雲橫翠

芬落几琴聲潤紫氣浮階鷓夢清削竹專城施政教

懸車故里養尊榮杖藜莫厭

相遇數好付見郎管送迎

小橫山 在橫雲東中限一水隆然而興上多壘石萬年

松江府志

卷七

山川志

六

山

松俗呼僊人澆酒石由絕頂至東北皆峯巒隱起壁立  
數仞色盡赭遊人呼爲小赤壁盡壁巖然一罅如虎邱  
試劍石狀前有石可踞而坐小澗亦九峯奇絕處

也

山之麓有小山招隱元孫稷所居又傳有僊雲館

凝翠軒爲蘇東坡遊賞處今渺無迹矣

陳志按蘇文忠年譜文忠歷

官以來宋任秀州惟熙寧四年由開封推官改杭州  
是年集中有秀州僧本瑩靜照堂詩一首考嘉興舊  
志靜照堂在郡城西北三里招提院內至七年春夏  
間往來常潤蘇秀道中元豐二年三月由徐州改知  
湖州是年集中有與秦太虛參寥會於松江詩二首  
考九域志松江卽吳江故詩內有又扶衰病過垂虹  
之句陳志所稱仙雲館疑翠軒爲東坡遊賞處其在  
往來常潤蘇秀時乎

明錢溥遊小赤壁和蘇東坡赤壁懷古念奴嬌詞  
三江旣入到今來誰是風塵表物秀列九峯非夏日

亦有丹崖翠壁煙鎖平原雲橫積石欲弔情何雪時  
歸典千可憐失此雙傑何異孟德當年膠腕蔽岸  
一炬東風發萬古功名同一夢祇有文章難滅夜靜  
江空猶聞鶴唳聲起人毛髮坡仙如在要分兩處風  
月

錢福小赤壁歌 五茸西來橫九峯一山率律峯之  
中上有石鼓大如斗叩之應響聲擊擊下有赤壁山  
削立如壁峒徘徊登覽意未已千態萬狀模其容初  
疑伏羲定八卦河洛之象留其蹤又疑神農嘗百草  
吐出一點青芙蓉更疑大禹疏鑿施神功波濤洶湧  
鯨鯢雄怒驅六丁拔出天地骨一柱鎮壓吳江東蒼  
苔何茸茸石闕何溶溶黃樓夜嘯嶺頭月白鶴晝唳  
巖前風自想老夫狂遊四海五湖二十載誰知此山  
之趣真無窮此山之趣真無窮何日結廬依古松  
曹時信赤壁行 黃州赤壁天下奇蘇翁挾客清秋  
時洞簫吹月拉蛟蜃星躔乃在牛斗墟吾松卻居斗  
之隅峭石立水枯而壘莓苔古秀稜角敲聲削臙臙  
摩紫泥盤盤盤飛鶴上無涯青莎碧草深葳蕤清風入

松如龍墟寂寂楚華恒吁嘻暮春之月日日奇蘭鏡  
順流聊自嬉尋勝陟幽僧願隨挈壺持墨相差池晚  
日東景紅陸離扁舟浩笑吾歸兮衆賓聚首河之湄  
送我攜酒還進卮吾量如符君莫啞鶴亭鶴去餘荒  
基東月照醉影離披醉放船喧鼓擊中流獨發不  
可支中流獨發不可支浩笑決往吾歸兮黃州雲間

名兩馳蘇翁狂兮真我師

嗚呼蘇翁狂兮真我師

許維新詩并敘吾觀志稱橫雲其名未爲不雅山

色本赤易而從赤壁甚無謂同出開關各得姓名舍

此就彼豈合應聲乎吳楚黃磯大合兵東風吹

火成煙平青山染盡英雄血不忍重題赤壁名

董其昌詩并敘吾郡九峯之間有小赤壁子頃過

齊安至赤壁下其高僅數仞廣容兩亭耳吾郡赤壁

三四倍之何以小爲因爲解嘲吾松山有九皆以

海爲沼東海既以大赤壁安得小風穴祕精靈雲門

削鬼巧口鼻鬪鱗角呈天矯雖無須彌寬未可

培塿渺而我遊齊安何由凌縹緲時平兵氣銷霜落

江聲悄迥思平原鷓鴣誰是枋榆鳥歸語東陽生扶筇

事幽討石言曾莫逆壁觀習枯槁田成球琳賦屋用

辛夷撩太守握紅雲冠破山容好嘉名公等錫一壑  
從子保手寫大江詞蛾倉翠可掃敢應北山招終事  
東坡老

錢福補十峯詩并序 九峯名松各有勝概而瘦石  
繡苔如小山石壁者蓋少定翁鶴坡緩齋偕子登而  
偉之遂進其秋曠爲十峯壁靈其服諸無忘效奇濡  
澤助我聖天子以享吾羣英鑒賞於萬萬年也彼或  
爭名嫉秀讓我以擅爵吾得請命於藏垢納汙者焉  
若曰地靈人傑而一言爲終古軒輊則吾豈敢何  
年秀氣天所鍾壁立瘦骨支蒼穹一起一伏騰虬龍  
於鶴亭前十八松況有石鼓聲鏗鉤豈應漠落橫雲  
東天地之數始必終何獨吝此於吾松  
便須插腳入九峯九老唯唯咸心從

機山 在府城西北三十里 大清一統志 因陸機得名山下有

村曰平原亦因陸平原名之 雲間 前有陂澤人家散布

汀岸隱然若圖畫云 顧志 山有呂公祠 頂上 吏部園 吏部 朱永



佈醉眠石

眉公處

坎離泉

舊名光眼潭狀如兩目

雙蛟壑

一名三蛟壑水溢時

蛟破壁出

雞鳴嶺

山出蜈蚣以雞厭之

綠雲河

舊多綠竹 眞珠浦

在水下 醉

花閣

瞿一淳隱處

合平原村爲十景

九峯志

元凌巖詩

六峯喬木鎖雲根青接平原數

里村此處無人來

鷲鶴海靈山鬼哭黃昏煙徑雲林樹色昏于尋喬木見

錢惟善詩名門橫峯亦有尚書墓只酌平原內史魂

陶宗儀檜山懷古詩 昭侯功業在人閒二俊文章

若可琴西洛竟從王穎 辟秋風不逐季鷹還平原村

迥家山靜華表雲深鷓夢閒有客

艇舟來吊古空林落葉雨惜惜

平原村

詳古蹟

千山

在府城西北二十九里

大清一統志

高七十丈周圍五

里

雲間志

郡諸山之最高大者以形如天馬稱爲天馬山

其曰干者或傳干將會此鑄劍舊圖經云有干姓者居

此圓智寺記云山後皆干姓所有故名山上多琳宮梵

宇春時遊人甚盛

按婁縣志郡人率以歲三月詣山禮於嶽祠俗又謂之燒香山嶽祠

之側有來鶴軒其西穿堂當小山石壁若屏障然右瞰

柳湖一白萬頃憑高凝佇恍然如隔世外山頂有雙石

魚相傳風雨化去其脇有泉遊人掬以頰面云能明目

願有浮圖七級登覽者極江海之觀陳志又有二陸草堂

在圓智寺爲

三高碑

楊鐵崖陸宅之錢思復三高士合葬處碑爲太守何遜之所立

松臺

在塔院下楊鐵崖手植也

餐霞館一柱石濯月泉

又名第看劍

亭

楊鐵崖築此以末干將劍

八仙坡

相傳八仙曾過此

半珠庵

下有蓮池留雲壁

在道院前爲十景九峯東北頽然一阜俗稱扁山又名高過百仞

絕山蓋千山之附庸云

婁縣志

元楊維禎于山志華亭地岸海多平原大川其一  
之聯絡於三泖之陰者十有三名於海內者九其一  
曰干將者九之甲也世傳夫差豕干將其山故云其  
形首昂脊弓肩髀磳磳狀馬又云天馬焉至正癸卯  
四月十有八日橫鐵生洪祥駕黑樓舟邀余出南關  
泛白龍堆北行過沈涇至皇浦林西小溪蛇行六七  
里抵山麓命謝公履躋峻嶺及半山休松溪丹室  
士郭某作茗供題詩壁間更肩輿上絕頂藉盤石  
坐觀衆山纍纍如子立膝下佛宮梵宇離立於旁瓦  
次鱗鱗雜出叢樹間桑邱麥畝連綿錯繡儼然朝  
晝苑也鳥有婆餅焦者時聲於耳冷風銷然起松  
滴衣帽使人肌骨慘慄下山群之外氏張景良請移  
舟旋山而北若干步折三矢地怪石夾插類剖剝  
拔土特起類跳狼攫虎木皆鸞迴風翥懸碧蘿如縷  
索有軒四橋名蘿宿掃榻就坐窗洞開野香襲人若  
芝木良父梓山公出肅客盡客於軒復出子羅拜公

躬奉鴈爲子壽子復鴈之日劫灰一吹十年無地不  
焦礫公獨不在劫地又時與高人韻士徜徉山水爲  
東南之慶人福地非耶於是主賓交歡酒不計量願  
然就醉不覺日在牖西於是夕宿東曉曹氏元修精  
舍明日放舟山南訪黃五全不值又沿流經石氏醉  
寢家選近捉月公李彬邀子蒸養石軒筇隱生余瑾  
陪飲賦囊石詩書  
於東窩夜乘月歸  
凌巖詩  
八峯蕙蒨石林幽給事題詩紀  
勝遊昨夜僧歸鐘鼓靜一聲鶴唳海天秋  
錢惟善詩  
千氏千年居此山題詩給事最  
幽閒春叢海嶽開晴色遊子燒香畫舫還  
明貝瓊干山夜泊詩  
一水疑無柵繞通牒子舟連  
山分秀色絕境散窮愁行與月相逐臥看天倒流  
人應不識林  
鳥自相求

# 石魚

宋許尚詩  
雙鯉何年刻悠然鬢  
鬢全登臨忽懷遠尺素若爲傳

二陸草堂

相傳二陸讀書處樓雲少齊名兄弟相師友  
樓年二十而吳誠退居舊里靜習十年太康

末乃與弟入洛故鄭曼季贈陸雲鴛鴦篇曰鴛鴦美

賢也詩云鴛鴦于飛在江之浹和音交暢拊翼雙起

朝遊蘭池夕宿蘭汀清風翕習

有波蘭莖淩雲立厲載翔載止

宋沈遼詩海天寥寥禾黍秋人籟已息煙

霞收數聲鶴唳草堂靜何苦更向咸陽遊

明陸樹聲修二陸讀書草堂詩重開遺宇傍層邱

宛變西來谷水流白日未歸華表室晴山從護碧蘿

秋風流不作浮湘賦詞賦空嗟入洛遊

仿佛舊時埋玉處懷賢一繫古今愁

龜山祠山下舊有楊龜山先生祠宋時建郡人林至遊

山下楊氏向係龜山後

世守其祠改名十忠祠

澱山

在府城西北六十里

大清

周圍三百五十步高

三十丈山形四出如鼇上建浮圖下有龍洞屹

湖中

亦落星浮玉之類旁有小山初年僅兩席許久之寢長

寺僧築亭其上榜曰明極

雲間志

又有鼇峯塔

今寺法龍

淵橋潛龍洞通靈泉

橋在山陽洞在山陰泉在山巔宋慧燈禪師鑿石十六丈得此初名

寒穴錢野人袞以名龔金

回經石

在山麓白蓮池在小

山且下有龍洞因易今名

與洞三姑祠在寺一色軒

寺舊東廡十八間皆粉素故名徹見閣在法

并明極爲十景今山在平田去湖益遠亭宇塔院俱廢  
所存三姑祠通靈泉龍淵橋及法堂數楹而已清浦又

西北一小山皆石骨名箕山

陳志

宋許尚殿山詩

殿閣輝金碧遐觀

足畫圖維舟一登覽疑陟小蓬壺

元王逢游殿山詩

鼇戴小蓬萊方諸宮影開厓根

龍洞關山脈虎邱來疎磬重煙水殘碑半雨苔因之

懷故國游  
雁落清哀

明陸樹聲澱山十景序 澱山舊在薛澱湖中形如

負龍其上浮圖名鼇峯塔旁小山石漸長可亭因亭

其上榜曰明極寺旁為三姑祠其東廡為一色軒軒

皆粉素堂後為徹見閣蓋釋家取義圓覺故名山麓

有回經石相傳西僧取經漂水墮石其故蹟也山陽

有橋為龍淵泉出山頂者為通靈疑皆以潛龍洞得

名洞在山陰深窈而曲其下所吞吐則白蓮池也宋

時山在湖心如落星浮玉境象殊絕好事者指為小

蓬萊蓋數百年前品賞也其後潮沙淤隔化為平田

山圍四望漸次村落矣今寺為凡墟棟宇彫殘灰蕩

無遺子往以野服登山竝老衲步叢莽中仿佛指顧

如捕影談空獨回經石尚在兀出淺土予手摩再三

因念陵谷變遷故年景象與塵劫俱沉向非品賞標

題遺蹤來者孰能循歷景繁為此山左證耶迺知滄

海桑田宇宙內物無常因而窮山絕境一經品

識其所稱重宜在劫灰之上矣作澱山十景序  
普光王寺 昔在澱湖中有道人登禪師者始結屋於巖

竟日不得魚因就師問其故師曰但以爾舟載土詣吾山者當遂所願既而果然白爾遠近歸之積累既久因以建寺名普光王寺嘗因浮圖放光故爲塔神名號在宋朝敕封伽藍神餘詳詩觀

三姑祠

在寺旁詳壇廟

鍾賈山 在干山之東一水左限沈涇塘與廬山對峙相

傳以鍾賈二姓得名

楊樞鍾氏譜敘云九峯之間有儒者曰鍾子鳴其先與賈姓同隱於

壽安山中時人遂以鍾賈名其山鍾氏世居茲山之陽自唐以來六百有餘歲矣或以介九峯

間故名中介山僅高二十丈周三里一培塿也山之陽

有玉清觀壽安寺內有棲雲樓半雲亭心遠堂皆名蹟

寺西陳氏墓垂絲檜二株徑五尺蓋數百年物也郡守

熊軫峯題曰嘉樹林

郭志



元陶宗儀鍾賈山采薪詩 繫船溪水頭山中成久  
留半月總值雨一生都是愁 哺雛敗簷雀逐婦深樹

鳩薪采輟夫役

摘蔬薦晨羞

明張弼鍾賈山觀梅詩 寒浦湖孤舟寒香梵宇浮

停雲雙劍合聽雨一尊留池藻雕龍麗庭柯玉樹秋

梅花正出媚

應與洛神遊

### 心遠堂

元高晞遠詩 種竹期十年栽橋盈千頭雖云多遠

慮無乃為身謀 高人絕塵累 俟德居此邱 泰宇無畦

畛 虛室有天遊 仁義尚蓬廬 道德成安流 結茅依翠

微 極目際平疇 白雲度寥廓 黃鶴下滄洲 百世此周

覽我志尚可求 祗應

柴桑翁真趣共悠悠

### 嘉樹林

見古蹟

### 十井

蹟古

盧山

在沈涇塘

按盧山在塘左

疑亦以盧姓得名頽然一邱參

峙於干將鍾賈間環絡蒼翠不覺其孤山下有水一泓

清澈如泉當華

今屬婁縣

青孔道

明萬歷時僧慧解蓮儒建甘露亭隨時施茗飲薑湯

風雨之夕或施燈火行人便之

元至正間有龍見於盧山雲霧蒼鬱鱗

爪分明從西北入於泖澱明萬歷二十五年五月間蛟

起山崩西南一角

明王衡題陸孝廉萬言盧山崎墅詩輕舟曉出神

仙址山下人家午流風光的武陵源到門依舊

平原里路轉溪迥有不同秋葉彷彿當階紅洞房窈

窕路欲絕飛梁忽跨高樓風樓前參差戛寒竹藤子

垂垂挂膠木人面斜陽映晚暉烏背濃煙帶微綠堂

前橙柚香輪因主人未敢言山貧曲闌深閉五千卷

等閒肯亦尋常人山寺無鐘送客別與君坐到

鳥聲歌相攜忽過板橋東一笑溪潭半弦月

細林山

青浦縣志作辰山

在府城西北二十五里

大清一統志高五十

丈

雲間志

周圍七里本名神山唐天寶六年易今名

雲間志

元時僊人彭素雲徧遊名山至武當遇張真人於紫霄宮素雲執廚汲水苦行三年得授接神鍊氣之旨洪武十四年至此居焉二十七年八月旦起沐浴更衣跌坐而逝七日顏色如生又舊有神巖僊館四字是呂純陽

書筆法奇異嘉靖間爲太守吳黃州取去今榜蓋臨本

陳志

按守令題名明時只有太守吳鉞係江西人正

德時任

非在嘉靖間黃州屬湖北吳黃州疑是韋蘇州

柳柳州之類或

又有十景曰素翁僊冢

卽彭真人墓在山半丹井

非松郡太守

靈源

呂祖遺迅雷鑿井以助彭真人修煉

洄口春雲

有石洞在山半石對立如門雲出其中

晚香遺址

晚香亭今廢址爲夏方文蒔菊處

鏡湖晴月

西潭一名金沙

夕照

金沙坡在山麓對天馬日落時沙皆金色

義士古碑

夏壽之發粟賑飢立碑旌於此崇

真曉鐘

崇眞道院爲彭眞人所築

五友奇石

在西麓甘白山泉

泉在盞庵後味甘而色白故名九峯志

梁簡文帝銘并序神山本名秀林山或稱辰山在

華亭西北二十餘里列九峯第四僻在一方雖非巨

麗未經標品而自古神仙往往託迹實震旦之靈阜

也余以幾暇結駕游衍覽茲佳勝瞻焉有懷乃作銘

曰閣號天井山稱地維碧難金馬越瀆梁池懷靈蘊

德孕寶合奇此亦仙岫英石遠灘昔有鸞窟不燒淨

土遺使高蹤構茲法宇引葉成帷卽樹爲柱石砌危

橫崖階斜豎白嶽涂遠丹源路深長林萬頃偉木干

尋竹窗看博松間聽琴捐氛蕩絮散賞娛

襟大通元年歲次庚午春三月十五日題

青浦縣志云黃之雋唐堂集梁簡文神佛之別見全

寺名神山非此山也故顧東江不以入志而陳志不知何據改序文云本名秀林山或稱辰山列九峯第四按九峯唐宋未顯元以後始有詩人題咏之序安得豫見梁代又言子以幾暇遊覽未識大通元年庚午春三月按簡文時方以去冬十一月居所生穆貴嬪喪史稱其哀毀骨立淚漬席爛甫百餘日安得騁懷佳勝且是歲爲丁未若庚午正簡文大寶元年方見逼侯景未幾罹害安得千里遊觀仲醇未見原序因神山二字偶合遂附會杜撰貽誤後人據此則簡文所銘神山固非青地但傳說已久不欲遽刪仍綴於此今按神山銘始見於張所望

閱畊餘錄陳志蓋因而沿誤也

元凌巖詩四峯孤聳蒼蒼新構僧廬傍

野塘林下甬晴春晝暖松花薰得白雲香

錢惟善詩神山自昔聳孤岑天寶六年更

細林煙水微花松寺小綠窗月色照禪心

明錢溥細林八詠序略山有元旌義士夏椿墓上

有記石爲義士古碑有仙翁彭素雲墓爲素翁仙冢

有石洞窈而深雲出其中爲洞口春雲有溪潭澄澈

如盤人於此泛月爲西潭夜月有石井源深色瑩大

早不竭為丹井靈源有石灘漾沙日光射之星點點  
如金為金沙夕照有道院曰崇真居民聽其鐘聲以  
為作息為崇真曉鐘有亭曰晚香夏友文蒔菊之所  
亭廢而基存為晚香遺址陳君廷璧列為八景搢紳  
王達姚綬卞榮張弼曹時和

時中張寧周鼎次第咏之  
王達義士古碑寂歷空山馬鬣荒殘碑三尺帶恩  
光輕財重義清名在落日秋風古桂香一代衣冠塵  
土盡百年文字雨苔蒼不須拂

拭頰興感峴首燕然亦渺茫

姚綬素翁仙冢坐破蒲龕出死關神辭金闕載雲

間綸音直欲求真迹使節曾煩住此山收拾丹砂歸

鼎內祇留虛冢在人間共傳月

裏雙華表夜靜常時見鷓還

卞榮洞口春雲洞中元氣霽春晴洞口間雲日日

生暮雨常時催舞石碧桃何處隔吹笙或成五色天

章爛忽墮重巖柳絮輕黃鶴不

歸山寂寞悠悠千載有餘情

張弼西潭夜月寒月澄潭萬頃波涼風一曲羽衣

歌畫船美酒呼龍伯玉杵長生問素娥鷓鴣灘晴漁

火澹芙蓉洲冷露華多秋來直  
欲通宵醉白晝歡娛有幾何  
曹時和丹井靈源石上仙翁煉丹井嘗聞初鑿費  
神工轟雷一夜山根破修綆干尋海脈通玉紫春和  
浮沆瀣銀牀秋冷落梧桐誰能  
汲取餘波飲飛舉還生兩腋風  
曹時中金沙夕照蒼蒼落日照蒹葭紫氣分明護  
淺沙滿地黃金買餘景一川流水送殘霞洪爐未就  
長生藥義馭難留不返車惆悵  
笛聲何處起西山回首滿歸鴉  
張寧崇真曉鐘山色蒼茫啼曙鴉疏鐘風引出仙  
家丹爐夜候香燒盡客路晨征馬去賒秋應一聲霜  
落早村開萬戶月西斜何人熟  
睡松窗下枕簟無驚夢九華  
周鼎晚香遺址衰草西風沒舊亭了無寒蝶繞殘  
馨山中客話當年事地人懷九日醒滿地落英誰  
采掇一川斜日自林垆風流已  
逐浮雲去老我登臨兩鬢星  
國朝周茂源細林八詠指困高風詎可遺摩挲猶識舊  
題碑田文薛邑無留券樊重南陽獨好施賞徵曾來

天子詔蒼涼，實繁後人思。霧桑一飯尋，常事堪笑。銅  
山只自私，人間咫尺鳳麟洲。底事茅龍不少留，丹  
就止餘仙。蛻在劍飛空，向玉棺求。露花白，晝春常寂  
獨。鶴黃昏，喉未休。憑弔無煩歌，薤露揭來還。作幔亭  
遊。春山翠靄，灑晴雲巖洞。時成五色文，蔭映樓臺  
多。氣象光搖竹，樹自清芬。猶遲雨，澤疑龍臥。欲變煙  
嵐隱豹，羣朝暮物華。供獨賞，何須珪組。日續紛，激  
澗秋潭。千頃波蕪，葭入眼。露華多，廣寒本是連香漢  
池水渾疑作影娥，乍咏澄江如練。句遙聞越女采菱  
歌。士龍若使曾遊此，笑殺清光照綺羅。古木蒼藤  
巖出石，根素纒汲來。鍾乳滑冰壺，盛處玉砂温。當年  
使節空來往，藥鼎何曾授至尊。夾岸平沙似布金  
西山落日射瑤林，芙蓉木末秋光麗。桂樹叢中晚翠  
深。小市人歸沽濁酒，危橋客去抱孤琴。眼鷗宿鷺真  
吾伴，病肺於今謝苦吟。仙人樓觀白雲封，羽客高  
棲物外蹤。珠斗闌干沈刻漏，絳河縹緲度疏鐘。江城  
遠應千家杵，野館鷺聞萬壑松。興劇登臨饒濟勝，山  
窗待曙欲扶筇。晚香寂寂舊亭臺，黃菊曾經處士  
栽。月黑山村迷曲徑，風高籬落斷枯荑。誰能載酒娛



陶令空向餐英憶楚才便擬前  
谿管別墅秋花重向北窗開

丹井詳古蹟

宋許尚詩人與室俱化陰森松  
竹寒時時見孤鶴於此守神丹

甘白泉在東麓

明陸應陽詩泉脈空山側分流入翠筠  
玉清澈自瀉塵月照銅瓶小蘿垂碧斲新茶鑄幽賞

處龍井定堪鄰

余山

按說文有余字無余字周伯琦六書正譌云余成連  
切語之舒也又姓借爲羊諸切亦姓別作余非謹按  
字典余字時造切余之轉韻爲禪造在府城北二十五  
切音蛇姓也余俗作余姑仍其舊

里大清志一統志高八十丈周圍十八里舊傳有余姓者居此

因名焉雲間志按吳興志亦有余山上有東漢余將軍廟

好事者遂指此爲東奈云其高與干山等東西二峯延

亙數里招提藹若隱見其中望之穠郁深秀遠近皆宜

顧志上有三庵中爲靈峯庵今昭慶慧日兩寺按昭慶已廢慧日今

名志沐西庵今宣妙寺東庵今普照寺亦廢有秀道者塔有

山月軒有金沙地芥子庵虎樹亭陳志東山多奇石明徵

士陳眉公先生隱於此自名其居爲神清之室爲頑僊

廬其上爲高齋折而北爲清微亭亭之下爲水邊林下

水石俱勝今漸蕪沒矣郭志山上又有白雲晴麓白雲庵東接鳳

鳳玉屏庵公北簾等香溪石徑香草溪在山之東一徑穿白石山出旁有亭曰

峯由騎龍堰而下陳施子野園曰就麓山洗心靈泉泉在塔院內甚清冽

亭居鬻黛舊園其所棲也山川志

爲聽道

標霞峻閣

山頂閣名

合昭慶幽居

昭慶後有道人遺岩曰獅子

蹤聽道

人構月亭於塔院

宣妙竹林

寺多修竹徐慧曰

雙衣

陸文定留納徐文徵君舊隱

陳仲醇結廬東山

自號白石山樵

十景

九峯志

土宜茶產筍有蘭香康熙五十九年

錫名蘭筍山

元凌巖詩

三峯高遠翠光濃右列僊宮左

梵官月落軒

空人不見野花山鳥自春風

陶宗儀同邵

青溪張林泉會胡萬三夏雪簑俞山月

高彥武張賓

賜於余山北踰嶺而南訪陳孟剛席上

分韻得船字

桃源只在人間世三老相逢莫問年

清畫喜陪多

士集紫霄應見德星聯香蒸雲液行瑤

翠花簇珍羞

釘綺筵一擢歸

來潮正落溪

頭好是米家船

西庵

陳律師所居詳古蹟

雲峯庵

宋許尚詩 路湧金沙地高人此  
築庵爲詢林下客妙語與誰參

洗心泉

明孫作銘 華亭余山慧日院之東鳳凰山之西南  
友人夏士良築別業其地墜辟除治得泉穴舍後汪  
洋甘潔不竭不盈因卽其坎爲池名洗心泉曰吾將  
以是著易徵子銘銘曰鳳之脇蛇之蚺凌靈源發元  
映相有德噫何居沐陶法濡褐徒招義昌啟榮圖淬  
鐵撻績韋那滌混覽泣墨朱滋吾德神吾書匪斯泉  
手

茗帚庵

在頊仙  
廬西

明董其昌詩 仲舉無心除一室盧鴻有句  
寫千峯欲參茗帚閒中意九點秋山雨後容

薛山

在府城北與余山對峙

大清一統志按雲間志  
作在縣西北二十四里

高九十丈周圍七里吳地記云薛道約居此因以爲名

雲開山下嘗掘地得石志曰玉屏山形亦肖故又稱玉

屏山志又有景華橋橋爲董劍學士亭里人築亭以懷

士苦節沈學士父也興雲嶺天雨則嶺上出雲宜晚堂曹時

中隔先生所紫芝巖一名仙花岩仙人牀石形似牀梅花峯

構後種菊薛老庵薛道約煉丹得青蓮池舊名羅池產

種梅處薛老庵仙庵在山中爲十景九峯

元凌巖詩五峯遙隔水村西薛老曾來隱

翠微牧子唱歌樵子笛貪看明月夜忘歸

錢惟善詩樵牧數家煙火新月明偏照水

西鄰客來欲問山何姓漫憶青田寫鶴人

鳳凰山 在府城北二十三里雲間志作十八里按圖經云

山之鎮曰鳳凰以其據九峯之首延頸舒翼宛若鳳翥  
故名東枕通波西連玉屏山形修峻孤起無附陟半嶺  
則外山拱揖如奧區焉左有青壁高數十仞如削成其  
上有虬松古藤蒼森可愛有二泉曰鳳凰曰陸寶故陶  
九成有丹泉陸寶祕精靈之句郭志衛宗武秋聲集云吾  
郡諸山以杭元目爲祖鳳凰東飛來自虎林虎林有鳳  
凰山故以雲間爲小鳳先文節詩云小鳳梳翎倚碧天  
者此也陳志山有南村居陶九成隱居處三星閣徐文貞築供來  
儀堂陳徵君築摩霄壁在何氏拜石堂下且止園王元瑞構梅花樓莫如忠別  
業  
東海亭祀東海張公處合山月軒錦溪橋芙蓉莊卽徐相國舊址爲

十景九峯

志

宋許尚詩 覽德來何代 曩歸丹

穴藏甘心化 爲石萬歲瑞 吾皇

元凌巖詩 一峯雲氣接 蓬萊白石磷磷護

碧苔幾向鳳凰池 上望不知何日鳳凰來

錢惟善詩 巖頭石是挂 槎星煙市人家集

地靈夜半月 明屠隆詩 行役坐山樊 陰蘿水氣昏 寒花生石壁

古路入松根 暫與閒雲寂 獨嫌啼鳥喧 開尊來野趣

隨地洗心魂 林響踏空沙 川光映紫霞 青猿竊山

果童子拾松花 風磴千盤折 寒江一帶斜 僧來背殘

日落葉

滿袈裟

國朝

吳偉業詩 碧樹丹山千仞闢 夫差親獵雉媒場 五

茸風動琅玕 實三泖雲流沆漭 滌滌鳥聽和鳴巢翡翠

花舒錦翼 照文章 西施醉唱

秦樓曲 天牛吹簫 引鳳凰

錦溪橋 在鳳凰山下

元陶宗儀詩 錦溪橋下水平溪楊柳條長拂岸齊  
參政寶坊歸幻劫右丞先壟可悲淒漁船挂楫雙雙  
短酒店 茆簷處處低市井荒涼風景異老鴉啼過  
亂雲西 自注寶坊參政張瑄先壟右丞徐義

### 竹堂

宋張耒詩 寄題華亭竹堂在鳳凰山下 誰道清  
貧守冷閒 遶山十萬翠琅玕直應流水深相與不待  
清風已自寒 長伴鳳鳴真自許忽成龍去不  
終蟠知君何世無知己豈是王郎獨與歎

### 慶陽院

在鳳凰山下

### 山月軒

元華亭俞嘉言允讀  
書處陶九成書額

明貝翱記 華亭之山有九其秀者曰鳳凰嘉言居  
鳳凰之麓其屋若干楹著書數千卷日誦其間夜  
至四鼓弗休其勤篤若此或天高氣清海月東出迺  
視九峯若青芙蓉然歷歷可數欣然有得因名其軒  
曰山月久之遊京師中進士第擢行人將命四方西  
經太華周流終南太白東抵岱衆謂馳傳千里踰越



險阻蒙犯霜露非其所堪而嘉言略無羈旅無聊之  
色後爲吉安幕長改辰州溯大江觀匡廬轉浮洞庭  
窺蒼梧衆說幕職位下簿書事煩非其所任而嘉言  
茲決無滯喘傲自若如在山月軒時也或以爲嘉言  
遠祖清老嘗有猛虎一聲山月高之句見賞於蘇  
文忠公軒之得名其以是歟嘉言屬余書以爲記  
王燧詩九山有月明如鏡月色山光互輝映君家  
故業隱山中幾度獨吟秋夜靜山空月倍明看  
山對月有餘情一輪艷彩河邊轉數點螺鬢天際青  
自從來作京華客何處卻看山月色鳳臺下晚春  
時石頭城畔涼秋夕新月還同舊月華故鄉回首是  
天涯但喜人生逢賞事那知明月落誰家知君名紀  
神仙闕桂子含香待攀折行看  
直舍待花陰未許還山重對月

鳳凰山莊

明徐文貞  
階別業

文貞九日自題詩 九日尊疊何處開鳳巖南  
下古層臺全生近解莊棊說深爲衰齡幸不才

庫公山 在鳳凰山南與陸寶山隔溪相對昔有庫公隱

此因名

顧志

周一里高七丈實鳳山之附庸也

陳諸嗣郢志

九峯咏稱庫公素時人有亢桑子三卷相傳鐵鎖金匣

埋於山下

青浦王志

舊有陸寶村乃陸氏藏寶物之地又有

旗杆石

石在田中爲庫公奔處

洗鶴灘

庫公養鶴於此

藏書嶺

庫公藏祕書處

鼓

琴磯

庫公彈琴處

覽德坡

坡對鳳凰山故名

采藥涇

庫公采藥往來於此

白雪

庵

陶九成所築

放鹿亭

以庫公放鹿處因名

聚星崖

陶九成攜客痛飲快吟於此

合

陸寶村爲十景

九峯志

明陸深詩序

晨登庫公山山形如軸正當鳳塚地

理家云丹鳳銜書丹鳳銜書下九霄分明形勝見

山椒先秋古樹蒼黃出映日高峯紫翠搖地燒花人未老買船載酒路非遙經行更愛清溪曲若箇淮南苦

見招

國朝吳偉業詩

庫公石礎掩莓苔千載陰符戰骨哀  
鐵鎖自從田父謾玉書休爲道人開  
三分舊數江東望

二俊終非馬上才恨殺圮橋

多授受關他到項至今來  
按舊時中九峯補亡詩序以北簪補陸寶之闕而陳

志序列九峯於諸山之前庫公次於鳳凰之下故青  
浦縣志九峯志皆以  
庫公補存之俟攷

陸寶山

在府城北二十五里

大清一統志

本陸氏家山界鳳

凰玉屏之間山多土少石而土又美人爭取之今夷爲

平陸

顧志

元凌巖詩 二峯藏寶樹精神金碧樓臺處  
處春溪上落花流水遠老翁疑是避秦人

簪山

在府城北四十里

雲間志作三十里

周圍三里高

五十丈

雲間志

嘉禾志作竹簪俗呼北簪因干山在南又

訛爲北干舊云土宜美箭故名或傳產鐵今皆無有東  
向壁內一石中斷相傳爲干將試劍石始出附會山有  
玉竇泉甚寒冽有兩華洞宋張頭陀隱居於此元時遊  
人猶訪之今塞顧志元有余瑾亦居此山自號笥隱生故

又名笥山

陳志

元王逢遊笥山詩并序 笥山距華亭三十六里土  
宜美箭故名橫柳襟帶流石參錯東向壁內一石巖  
嶺中斷俗傳南有干山此則干將試劍石云宋張頭  
陀兩華洞久塞玉竇泉殊冽寒可味逢交謝逸人守  
真始獲盡觀山之秀蘊其不羣不附殆類古特立獨  
行之士卓卓物表者逸人自九世祖進士仲華韜德  
於是至今詩書仁義之澤未艾又居民率多壽考詎  
非風氣淳厚所致耶逢既遺逸人北邱畊隱歌復表  
是山書置山僧德成庵壁後有青鳥者流過焉庶逢  
之言有贊也時至正甲辰仲春望同遊詠者謝守真

陸綱余寅釋德慧鄭里謝榕地主多儒雅居信亦  
不羣御橫孤嶂立野闢九山分石裂蒼龍氣泉滄玉  
寶雲燕巢舊舊月馬戲幾斜曛童孺樞趨  
慣朋儕唱詠勤比鄰行可接芰製莫輕焚  
明陸深月夜絳山詩樓歌欲停山月吐月影照人  
清可數疑心已斷壁間蛇壯氣猶驚草中虎清溪曲  
曲淡不流此月  
從來慙故我  
曹時中九峯補亡詩并敘陸寶山爲第二峯其土  
人爭取之夷爲平陸矣今當以箬山補之山頭日  
月常吞吐山下亂石難名數小者臥伏如羣羊大者  
踞踞如虬虎生材中矢因得名十笏天留給孤土茲  
山台補九峯亡後  
世視今應作古

### 玉寶泉

宋張耒詩并敘友人寄雲間玉寶泉聞泉上多紫  
竹地吉泉甘慶所鍾直疑遙與惠山逢曲肱煩暑  
多消盡如臥  
蕭蕭紫竹風

福泉山 在薛山北下皆黃土初因其形似號覆船後以井泉甘美易今名隆然而起僅十餘畝殆古所謂息壤也又北爲駱駝墩亦以形似而名又稱爲落彈墩古有道者薛冷雲嘗居此又名薛道山陳志前青浦分縣以福

泉名本此

青浦王志

柘山 在府南六十五里柘湖中

按陳志引吳地記云柘湖周圍五千一百十九

頃中有小山今湖已涸山在平陸

山生柘樹因名旁有石其狀如牛三

姑祠實始於此鄉人歲首祠焉而澱山亦有祠其神甚

靈俗因訛此爲小澱山云

顧志

其南有峯石若人壘者撼

之動然牢不可傾

金山縣志

宋王安石石柘湖詩并序 湖中有山生柘故名柘湖  
舊記云秦有女入湖爲神今有廟 柘林著湖山菱  
葉漫湖濱秦女亦何事能爲此湖神年年賽  
雞豚漁子自知津幽妖窟險阻禍福易欺人

秦山

在府城東南六十五里

大清一統志

高二十八丈周圍

一里九十步

雲間志

俗呼爲秦望謂始皇曾登此望海故

名按嘉禾志寰宇記海鹽崑山俱有秦望山亦謂之秦  
駐又載秦皇馳道在華亭崑山南按三邑封境鄰接諸

山相望不百里以馳道參之豈祖龍俱嘗駐蹕而有斯

傳乎

按晉樂資九州志海鹽縣有秦徑山魏鄆道元水經注作秦望山唐陸廣微吳地記作秦住山宋常

棠敵水志作秦駐山皆係海鹽縣又按樂史寰宇記崑山縣下有秦住山在縣南三十里山南帶海上有烽火樓臺吳時以望海寇又引吳錄云一名望山昔始皇登此緣以爲名嘉興縣志云秦望山始皇登此以望海是

古來論秦望山者俱未及雲間惟海鹽圖經云海上山如雲間臨安俱有秦望之名不獨會稽及縣有之也據此是雲間當有秦望因

諸家之說備考

山之陽有僊人洞外僅容趾內

深黑嘗有秉燧入者行漸寬廣未及半燧而返其巔生異草取藏笥中久而沐以湯鮮翠如生因名長生草

有坑產白堊以音與惡同因呼白善云

陳志

上有萬壽寺

其南有井味甘色白人呼白水泉又有老人峯飛來石

石馬磴翠微峯龍遊洞試劍石白龍洞并僊人洞為秦

望八景雜見詩人題咏

金山縣志

唐薛據詩南登秦望山目極大海空朝陽半盪浴見朗天水紅溪壑爭噴薄江湖遞交通而多漁商客不悟歲月窮振縉迎早潮弭棹候遠風于本萍泛者乘流任西東茫茫天際帆樓泊何時同將尋會稽迹



從此訪

任公

查山

雲間志作遮山在縣東南七十里

周圍二里高五十丈

雲間志

在張堰

南稍東去秦山十餘里舊名遮錢野人袞定爲查據集

仙外傳云查玉成煉丹海上小山今山臨海上有浴

丹井而鄉名又曰僊山其當爲查無疑也顧志上有仁壽

寺趙松雪題額有煉丹室在浴丹井西皆查仙遺蹟山

縣志

元王逢遊查山登虛翠閣詩

仙迹遺丹穴僧坊倚

石林中宵龍甲雨三日虎踞溪青薜崖容立黃茅海

色侵爲尋霞上句鐵杖落清音

陶宗儀遊查山分韻得日字雪後天象清維時月初吉三老山中居杖藜乘興出總訝神仙流衣冠兼

故逸叩我東家門造我讀書室主人重流連開尊敘  
真率傾寫間別懷分羨等膠漆送別阿梁上悵然若

有失快行莫遲

遲猛虎嗥落日

明張瓊遊查山十景詩

清池俯遠林初昏連蜃氣高下通龍吟

僧廊入竹深登山與航海我意愜幽尋佛閣綠蘿暗

雙樹矗天低輪因翠嶽西虎頭無筆畫鳴廊有詩

題枝拂將崩石根行不帶泥煙雲時出沒寒氣鳥難

酒葛飛松鶴過橋一窪時積瀑數斛不通潮會見天

翻落香清未肯消丹井乳泉飛仙遺井在山氣

畫氣氤不甘積金丹雨香含玉液雲居僧移石護過客

捉瓶分不遜中洽味偏於海國問僧房石壁過山

半起青遠嶙岫架一樣九年堪對坐十笏任歌眠徑

折行妨足門深立礙肩幾經歷寒暑今古色蒼然

仙洞天泉懸崖屋儼然亂石護雲壘天上樓何處

人問洞已傳鑿空慮鬼斧驅駕藉神鞭六月生寒色

林端挂壁泉叢林箭石一一段峻嶒石何年欲羽

翎叱羊應未起射虎已成形潤積寒泉白香披舊

青朝來山雨過  
斑駁鎖痕腥  
絕澗龍巖  
翠壁浮  
圖閣巉巖曲徑逢  
陰風飛濕苗  
夜雨拔枯松  
磊落  
收鉢崢嶸已化龍  
深潭如得水  
那禁入雲蹤  
北山  
翠屏削劣石  
峻嶸然立數層巖  
紅霞泛樹嶂  
碧  
雨浮藤危許雲中見  
幽宜月下登  
幾回同躡屐  
荷杖  
一間僧  
南坡膝印  
白石齋  
齋處仙踪向  
未溼俯  
身曾拜斗  
屈足爲朝眞  
苔蘚三分蝕  
煙  
霞雙迹新遊人  
休踐履  
絕不受埃塵

煉丹室

未范成大詩  
聞是查仙舊隱居  
蟻峯絕似小蓬壺  
雲深未到采芝洞  
雨小先尋煉藥壚  
欄下草香疑可  
餌林間虎伏試教呼  
閒身儘  
辨供蔬水定肯分山一半無

浴丹井

明張世美詩  
憶昔看山逸興生  
興來今復  
看山行石泉尚識丹砂舊  
寺榜猶題松雪名

金山

周十里高七十丈

雲間

在府城東南海水中  
舊志

云去府九十里山有平坡可二十人坐其北有寒穴泉

以周康王東游築城南接金山曰金山城去城十里許

當潮勢奔猛處有周公墩蓋古人所築以防海者或因

康王金山城而附會以周公墩耳

按康王城周公墩金山縣志謂本自樞要

然二說荒遠難稽陸清獻公論修志凡古蹟可疑者例不載姑存之俟考明初設金山衛以

此爲名每歲武臣率兵入山巡邏海寇謂之搜山寧紹

諸州漁人多棲泊其間云

陳志

上有忠烈昭應廟祀漢博

陸侯事載吳國備史以英烈錢侯配山之北古海鹽縣

後淪於水元末潮蓄山北址下瞰橋井猶鑿鑿傍海居

民沈氏於井中得碑摩挲其文曰鸚鵡洲界

金山縣志接水經

注江水又東徑數父山南對歎洲亦曰歎步江之右岸當鸚鵡洲是洲應在荊州城外金山去荊州幾二千餘里井中碑文或亦當時附會

寒穴泉

詳見古蹟

小金山 在海中楊維禎不礙雲山樓記云予嘗北渡揚子訪金山之勝而不知松之南又有所謂大金小金出沒於雲海之中如壺嶠之在弱水外也

酒瓶山

在青龍鎮詳古蹟

城山 高八十丈周五里圖經云山狀周環如城因名陳志

千山後一支北引曰繩山俗傳天馬韁也吳音繩與城同疑城山或因此而誤

巖山 雲間志在縣西北二十七里 周圍四里二十二步高

四十丈

雲間志

今不可考陳志云漢嚴助嘗隱此山

土山

雲間志在縣西北二十五里華亭縣志在縣東南三十五里亭林鎮廣數十畝不知何據高二丈

周圍一里九十步

雲間志

陳志云越絕書春申君治以爲

貴人家今嘉禾姑蘇俱有之

按顧志城山巖山土山未詳所在舊志云城山高入十丈與奈山等是千山猶出其下今諸峯歷歷可數安得有此惟奈山前一支回繞如橋疑此爲城而巖則未見土山去府西南二十五里則當在涿涇斜塘之間而亦未之聞也或者其陸

氏家山之類乎然不可考矣

又按今奈山兩麓有石壁高數仞彎環如半月形在沐堂寺殿後顧志引作城山較陳志爲近春申貴人家越絕書吳地外傳云去縣十六里則在今蘇州府境嚴助起家賢良漢書本傳無隱居之說陳志皆近

附會不若願志爲質實也又按雲間志無小橫山鍾  
賈山廬山廬公山福泉山柘山而有城山土山巖山  
安知非古今異名耶今福泉山  
土無片石其亦土山之類乎

張管山 在劉夏鎮南三里相傳張管二姓居此故名石  
坡半畝餘平列田中山根極遠願志所謂橫泖南至樓  
下張管山爲橫塘卽此山也

許山 周五里高五十丈雲間志一名焦山在金山東距衛

五十八里郭志按許山一作許山在灘山正北五里  
閩省商船之收入乍浦者必由其南浙江通  
志灘山許山黃盤山皆屬乍浦  
水師管統轄蓋洋中浙界山也

浮山 在縣東南一百里海水中周圍一里一百步高一

丈雲間志按華亭志浮山卽玉盤在金山東俗呼玉  
盤乃玉字之訛又名龜山皆象形考鄭若曾萬里海

圖鄧鐘籌海重編有黃盤而無玉盤浙江通志云黃盤  
與獨山相對今此山在金山東爲乍浦出東洋要道其  
山有五西爲上盤東爲下盤上盤直南里餘一小山名  
沙一麓下盤直南里許兩小山的南北相並北曰裏條南  
曰外條華志所云非是又按大龜山小龜山海鹽  
志云二山在澈浦鎮東北去金山更遠華志亦誤

勝山 在金山西松郡前志有浮山而勝山不載或云一

山而易名爾

郭志

按華亭志勝山卽小金山又名達

又按金山志松江前志有浮山而勝山不載新志衛志  
有勝山而浮山不載疑一山而異名又云卽小金山並  
之存

竹嶼山 周六里高五十丈雲間志距衛東南七十八里在

許山左

郭志

達岸山 周八里高二十五丈雲間志距衛東南八十里郭志



蘇山 周一百五十步高二十丈

雲間志

距衛八十八里

郭志

洋山 一作羊山

郭志 按羊山有大小之別大羊山江漸

山在蘇州洋與蛇山相近則小羊山在太倉州界

非

郡境也因此山係海防要地仍從舊志附焉

按小羊山屹立大海高百餘丈周圍約七八十里有

三峯矗立其最南者曰臘犁峯次日觀音頂次日和

尚頭山麓有十八畝如大湖海舟泊此可避三面颶

風海水鹹不可食惟山嶺有一池泉淡可汲港口西

山脚觸船易壞名閻王嶺山背有路橫互如虹俗名

金扁擔其北有天后宮三官堂楊公廟廟西壁有海

闊天空碑為前總制噶尚書禮立又東有仙鶴亭觀

音閣西行過北山紫登嶺北下曰茅柴洪又北曰錢

底巽折而東通黃泥嶺又東為施家嶼又東出山之

東北麓有嶺曰野人嶺嶺下曰野人國轉而南為羊

尾子套南下為石籠潭又南曰泥沙套康熙間追勦

鄭國興於此今無居人因陣亡者為厲故也又南曰

鑊荃嶺轉西曰南小嶼諸套有六廠皆內地人民僑

居而成家者山有魚市三四月間曰黃魚汛市最盛

五六月間曰蝦米市七八月曰海蟹市  
九月曰蝦蟇市過此則市無居人云

松江府志卷七終

松江府志卷八

山川志 水

府境經流巨浸

府東南環海松江襟帶于北黃浦縹互于中傍礪善下合流朝宗薛灘上游建

飯三泖中流關鍵西南涵浸相屬故首列之以爲制谷水滬濱略仍舊跡以類附焉

海 在府東八十里南九十里至元嘉禾志松江與黃浦會而

入踰口

顧志

吳志云府南境與紹興寧波相望天日清明

南岸諸山皆厯厯可指

方輿紀要縣云海在縣東五里南纔二里

案至元志於海鹽

與明越二州相對耆老云深夜籟寂時越山雞犬之聲相聞嘉禾志及證與此同是顧志所引耆老二句專指海鹽故東與寶山相連

金山縣志

自金山東過勝山爲南洋

又東南爲南大洋北至高家嘴爲蘇州洋又東爲東大

洋自南大洋又南歷閩廣通南海自東大洋北歷山東  
通遼海宋元間入貢皆由青龍市舶司後漸徙于四明  
貢者不復取道沿海皆淺灘物產不逮閩浙百一俗號  
窮海獨鹽利爲饒自清水灣以南較川沙以北水鹹宜鹽  
故舊置鹽場近有沙隄壅隔其外水味浸澹滷薄難就  
而煮鹽之利亦微矣

陳志

案海環府東南起上海縣黃家灣上寶界牌抵金山  
縣白沙灣江浙界牌延袤二百五十餘里內洋北與  
崇明相對中流以天分水線爲界蓋南北之中略分  
高下如線吳松出口處兩岸皆屬寶山縣境故黃家  
灣至吳松洋面皆裁寶山外洋則川沙南匯各營與  
崇明鎮標右營公同巡哨謂之公簡是洋面皆非郡  
境也舊志言南通閩浙北通遼海東接日本諸番但  
言所達之路非志府境之廣也又案浙江通志康

屬浙省北屬江浙官其先山川志  
淵應照歷來江浙官兵巡哨於大羊山太子嶼插立  
是而小羊山出瞭角紫卽是馬蹟山相距遠近不齊天  
山而抵馬蹟水程千有餘里若吳松關出高家紫卽  
江南所轄豈同官兵協守於小羊山則小羊山向屬  
泊於老羊山營官船隻交會則小羊山則小羊山向屬  
吳松同金山營官船隻交會則小羊山則小羊山向屬  
梓壽汎地且羊官大之分明嘉靖年開倭寇  
限卽馬蹟山龍山官所遺石碑爲吳松遊兵把總祝  
勒石可也又據定鎮遊擊葉紀等呈稱海兵向有界  
等山相應備冊呈送核定頒發碑文前赴羊馬兩山  
非係浙省之東西者總屬江南是以兩山之南北分  
總屬浙江北議以羊山中開離隔有南洋之諸山及  
差不一西東西對峙馬蹟兩山以南兩山之南及海  
嶺遊擊丁際昌等呈稱馬蹟兩山以南兩山之南及海  
原爾懷等會同查勘江浙洋面分界之東蘇鎮左奇  
營遊擊丁際昌等會同查勘江浙洋面分界之東蘇鎮左奇  
熙二九年兩江總督左奇  
督遊擊丁際昌等會同查勘江浙洋面分界之東蘇鎮左奇  
原爾懷等會同查勘江浙洋面分界之東蘇鎮左奇  
營遊擊丁際昌等會同查勘江浙洋面分界之東蘇鎮左奇

木牌而轉建禪勒石以垂永久嗣後浙江海汛以大  
羊山爲界大羊山脚以北之洋島屬江南管轄浙江  
海汛以馬蹟山爲界馬蹟山脚以南之洋島屬浙江  
管轄自西至東山島洋面俱以二山爲準各照分定  
界限巡哨勒石山永爲定例又太倉州志乾隆五  
十五年勘定馬蹟山東南之盡山歸浙省管轄東北  
陳錢花鳥二山歸江南省管轄馬蹟南  
之黃龍梅子二山則全繫浙江管轄  
附近時內洋陰沙凡放大洋者自上海縣東門開船二  
潮時僅深三尺船行傍東岸又三十里至東溝口水中有寨城陰沙  
陰沙船行傍西岸吳松口外有欄門陰沙起自楊家嘴至  
沙船行傍西岸吳松口外有欄門陰沙起自楊家嘴至  
老寶山嘴約長二十里因避此沙故出口東北行七八  
里卽靠南岸轉東南行十八里至老寶山嘴但南岸亦  
有沙脚須離岸數里老寶山嘴外有欄門沙脚打水必  
深三拓然後取卯酉針正東行四十餘里至水深五托  
處須拋泊候潮始行因前有中陰沙甚淺潮漲乃可過  
也潮漲開船轉甲字針三十里至崇明十墩外有沙脚  
不可近岸打水深三托卽拋泊候風放洋以西南風爲

湖順正南次之若遇東南候潮落折戩行自十墩開船  
川耶酉針正東行北避崇明大陰沙脚行三四十里南  
面又有銅沙橫瓦數十餘里須居中行水深六七托打  
見青脂監泥底方是正洪地名排沙又五里至茶  
山西脚若由銅沙之南行駛南岸又有木貓沙脚亦須  
防備中洪深五六托名施家路正東行亦至茶山開放

洋大

海潮 海鹽圖經云海潮東北自金山而來西南至浙

江名上潭自浙江回歷海寧茶灣金山志至澈浦爲下

潭金山在海中屬華亭今屬金山縣在南匯之東北明陸文裕云閩

諸鄉父老言潮起于南匯菁始若湧突旋分兩派南派

南漲入錢塘江北派北漲入楊子江南匯菁者海之一

曲也在邑至於海潮往來如人呼吸晝夜相應此一氣

自然之候也

郭志

北相反半線

案海潮各處不同如臺灣潮沙南

山川志

三



線以上潮流過南汐流過北廣之石洲山北日一潮山  
南日再潮瓊之潮汐半月東流半月西流琉球潮候較  
爾建率後三所之潮汐時刻與松郡略同而瀕海之  
勢較甚考古苑論潮者數十家惟乾鑿度虞翻易注俞  
石瀾周易集說諸序朱子語錄邵子皇極經世皆宗其  
說而暢達其旨蓋潮汐盈於朔望消於臘魄虛於上  
弦息於臘朔故每月朔日子午潮降而為子午復然大  
望日則子潮降而為午潮降而為子潮降而為子潮降  
月之潮五十八回小月則五十六回遞與月應今人以  
用上為候知其說不誣也其考靈耀王充論術造化先  
權輿抱朴子華嚴經越紀書風土記諸說皆未可信  
時潮汐由吳松江口入朔望率以子午為信萬曆八年  
潮決李家洪去故道南二十里許潮汐遂早數畧案黃  
界脾去海二十里今界脾數武以是松江故道悉被渾  
之外即成巨浸是海已內徙矣

泥湧入易于淤塞

上海縣志

海陞 天雲忽垂一海盡黑若有漚泡在釜沸泣土人

以爲海陞發時多在晚及夜恒有海鷗千百羣鳴助其

愀傷便若崩濤已從空半瀉來海鹽圖經凡陞只在一處占

候云南陞風多北陞雨多謂陞或往南或往北也金山縣志

海人驗候云山擡海潮來海陞風雨多擡謂海水擡起

常所迷望之山皆在目也顧志

唐周繇望海詩 蒼茫空泛月四顧絕人煙半渡中華岸秀通異域船島間疑有國波外恐無天欲作乘

槎客翻然去隔年

元殷弼海上詠懷詩 吳松江口海門東萬里京師

咫尺遍白柁紅旗三月浪紫簫花鼓午潮風十年荏苒軍儲絕四境蕭條水陸空况忍

疲民窮到骨夜深發婦哭蒼穹

明胡儼詩 積水渺無極 歸墟那可窮 百川宗浩蕩

一氣接鴻濛 若木崑崙外 扶桑日本東 蜃樓衝霧白

鯨鯨鼓波紅 驅石何年到 乘槎有路通 光分歆落月

聲急度長風 潮汐盈虛候 魚龍變化工 修鱗初擊水

巨翮已搏空 河伯心神駭 天吳氣勢雄 重淵陰火冷

孤嶼曉光融 方丈瑤臺隱 珊瑚鐵網籠 犀燈愁怪室

蛟涕泣珠宮 幽莽迷寒鷁 蒼烟鎖斷虹 盧敖遊汗漫

徐市和兒章 垂客舟如葉 鱗翁髮似蓬 波斯徒盲省

精齋苦匆匆 玉帛沈

流潔樣牲報 祀豐

馮允申詩 九州一振倚 浮空江漢無 分日夜東混

沌直包天 一外乾坤原 屬有形中望 窮島嶼神仙杳

勾結樓臺 屨氣融靈秀 獨當

何處是五雲 深處冥鴻濛

張之象詩 茫茫滄海浩無涯 五色樓臺簇  
蜃霞瑤島但看明 滅外不知何處是 仙家

松江 水經注云 峯嶺山去太湖三十餘里 東則松江出

焉 上承太湖 逕笠澤 虞氏曰 松江北去吳國南五十里

白湖東北流逕七十里江水奇分謂之三江口

禹貢雖指日南

江既入太湖而東爲松江則無更從餘姚入海之理道元曲爲此說以應漢志南江在南之文按黜明以水經辨證禹貢耳實則道元已自言之故下文云此亦別爲三江五湖不與職方同又云庾仲初揚都賦注非禹貢之三江也蔡傳舍蘇說而取揚都賦注遂滋後儒聚訟今作志乘在松言松則水經注及韋昭國語注庾仲初揚都賦注張守節史記正義可以兼采蓋一江西南上昔賢以此解松江非謂卽禹貢之三江也

七十里至太湖名曰松江古笠澤江一江東南上七十

里至白蜆江名曰上江亦曰東江一江東北下三百餘

里入海名曰下江亦曰婁江於其分處號曰三江口

史記

正義案正義與顧夷吳地記庾闡揚都賦注同而韋昭則以浦陽錢塘松江爲三江郭璞以浙江松江岷江爲三江說雖不同而于松江無異辭也舊志松江下三江之說甚詳但嫌實主稍混故略舉其端

今松江自吳江縣逕甫里

卽甫里直浦

過華亭

今屬青浦

入青龍鎮

自湖至海凡二百六十里

雲間志

去郡城七十四里

陳志

名吳淞江後以水災去水從松

案松江見後漢書左慈傳所少吳松江鱸魚句

元

吳松江見陳書侯瑱傳與景駿于吳松

亦曰松陵江

江句松字無水旁明史河渠志始作淞

元

今或以爲自吳江縣至湖州府塘路也

自吳江長橋

東流至尹山之方輿紀要自太湖分流出吳江縣城東南

折而東南爲舟直浦餘與此略同按吳松受太湖之水

脈絡紛紜舊時自大小吳家十八港出吳江縣之長橋

過釣雪灘橫越運河進浮玉洲橋而達龐山湖一支自

入大斜港達吳松江爲正流今吳家中滋諸港已淤來

水甚微湖之大溜自瓜涇港至夾浦橋北越運河而來

其自寶帶橋分流入尹山橋者特支中之支耳北流至

顧志以尹山爲吳松正流豈今古之勢不同歟

浦里東北流至澗山北合趙屯浦又東合大盈浦又東

合顧會浦又東合崧子浦盤龍浦凡五大浦至宋家橋

轉東南流與黃浦會而入海自湖至海凡五匯四十二

河沙顧浦乃江湖與湖水相會合之地也古云九里為

一灣一灣低一尺二百四十里到三江口三百六十里

到大其將入海處別名滬瀆方輿紀要云滬瀆江青龍

瀆其別派自吳江分流由急水港鍾為太湖曰薛澱志

正義上江也此卽史記今婁江塞而東江亦合松江出海則所存

惟一江耳郭志

宋葉清臣松江秋泛賦澤國秋晴天高水平遙山

晚碧極浦寒青循游具區之野縱泛吳松之濶東瞰

倉海西瞻洞庭檣葉欲下斜陽半明樵風歸兮自朝

暮汐溜滿兮誰送迎浩霜空兮一色橫霽景兮千名

於時積潦未收長江無際澄瀾方興扁舟獨詣社橘  
初黃汀霞餘翠鷺鷥朋飛別鵝孤唳聽漁榔之遞響  
問牧笛之長吹既覽物以放懷亦思人而結欲若夫  
敬寇既平霸圖初盛均憂待濟同安則病魚貪餌而  
登鉤鹿走險而忘命一旦辭祿揚舳高泳功崇不居  
名存斯合達誠先明孤風執鏡又若金耀不融洛塵  
其蒙宗城寡捍王國爭雄拂衣洛士震耀江東拖翠  
綸兮波上膾蟬翼兮杵中倘卽時之有適遑我後之  
爲桐至如著書笠澤端居甫里兩槩汀洲片帆烟水  
夕醉酒壺朝盤魚市浮游塵外之物嘯傲人間之世  
富詞客之多才劇豎人之清思錮三子之清徽諒隨  
時之有宜非才高見棄于榮路乃道大不容于禍機  
申屠臨河而踏壅伯夷登山而食薇皆有爲而然爾  
豈得已而用之別有執簡仙瀛持荷帝柱晨韜史氏  
之筆暮拂使臣之斧登覽有澄清之心臨遣動光華  
之賦何從欲之流滋慰遠遊之以懼肇提封之所履  
屬方割之此憂將潛疏於匯川期拯濟乎吟疇轉白  
鶴之新渚據青龍之釣右游濯埃垢於緇袂刮病膜乎  
昏眸左引任公之釣右援仲由之桴思勸官而裕民  
乃善利之遠猷彼全身以遠害蓋孔藏于自謀鮮鱗

山北真茶滿甌少遐俗士  
之詞亦未可爲茲江之羞  
宋程俱松江賦鳴夷子皮  
子湖東流方將家五湖以  
巨魚縱大壑脫若六驥馳  
收雲千里一碧狂瀾不興  
出沒引風檣以悲嘯趣烟  
而問津焉曰三江之濤實  
江洶洶渾渾溶溶洋洋孤  
螺黛於微茫五湖之中大  
寒暮烟屯其疊翠冬實巢  
之所淵草木茹泊若追義  
月歸墟王百谷於一吸環  
則歸墟王百谷於一吸環  
泱泱燭龍洗光於咸虞由  
恚尚可以朝海門而暮方  
搏者扼其吭方趣南則遣  
攬衆物之會莫若退觀乎  
相望散荒墟於垓塊識斷  
流而四顧陰霾鬱典不辨  
山川志



者五湖也岡岫相屬如走如伏其濛突兀乍見乍失  
 者包山也擁松江之上流窮海道於一葦時矯首而  
 斯盡固可以訪漁樵而種魴鯉亦優游而卒歲矣吾  
 子以爲何如子皮曰然務外游者有待樂內觀者無  
 窮吾方以日月爲屬六合爲官參天地以爲友從四  
 海之諸公乘雲氣御飛龍指包山於遺磔視五湖於  
 一鍾松江之勝又安能芥蒂於胸中乎後松江賦於  
 程子既爲松江賦又安能芥蒂於胸中乎後松江賦於  
 夜夢有丈人頽然而長身薰色而修髯叩舷而稱曰  
 松江之勝吾子之詞侈矣然子亦聞吳越之遺事乎  
 唯而答曰長橋臥波截江之衝飛梁疊架排霧橫空  
 萬景所會而垂虹屹立乎其間吾嘗登垂虹顧二渚  
 尙想夫霸國之爭雄方其踐忍烏味差耕石田禍起  
 腋下謀悟機先則吳軍江北越軍江南殺氣朝合軍  
 聲夜嚴銜枚北渡奮爲兩翼方風馳而霧障頓雷轟  
 而電擊吳卒麋潰江流積赤畢夫椒之世仇償會稽  
 之膾食於此蓋夫子之雄績乃自太湖過橫山亂越  
 來之溪登姑胥之臺弔亡國於游鹿指血化於黃埃  
 挽餘艫以凌江捲旌旗而南歸則貪天子於此退身行  
 意揖句踐而長辭蓋與夫舅犯之貪天子於此退身行

歌龍蛇而激慎塊然與喬木而偕燔者不可同日而  
言矣聞者五季焚亂錢鏐與蘇據都會乃淮浙之  
必爭徐約先拔孫儒繼焚彼得之不能以歲月守我  
守之不能以歲月寧則江之兩匪相爲二城鎮威武  
之右境過淮南之寇兵實用武者之所憑版圖入朝  
置爲縣治畫井疆設羣吏臬畝某別居廬鱗次帶以  
千尺之橋捍以百里之塘舟輿所通樓觀相望會城  
邑之幾時翳喬木之蒼蒼矣吾嘗歎曰一江方東雖  
逝不流越世事之萬變去莫知其所以道而來莫知其  
所由今之松江其昔之松江邪抑夜半之藏舟失萬  
世於俯仰盡賢愚於一邱夫子亦嘗弔抉眼之忠魂  
而訪伏劍者之靈游不乎子皮不對願謂西子援琴  
而歌曰霞雪紛兮雲霏帶長欽而佩寶珞兮嗟二  
安適而不歸歲婉婉而將暮兮路既壅而中迷嗟二  
子之不返折疏麻而舉杜若羌搖其遺誰餘  
音未息蓬然而覺掉頭載歌付千古於一笑  
唐宋之問渡吳松江詩宿帆震澤口晚度松江濱  
權發魚龍窟舟衝鴻雁羣寒潮頓覺滿暗浦稍將分  
氣赤海生日光搖湖起雲水鄉盡天衛  
嘆息爲吳君謀士伏劍死至今悲所聞

劉長卿松江獨宿詩  
洞庭初下葉孤客不勝愁  
明月天涯夜青山江上秋  
一官成白首萬里寄滄洲  
久

被浮名繫能

無愧海鷗

白居易江觀魚詩

震澤平蕪岸松江落葉波在

官常夢想爲客始經過

水面排罾網船頭簇綺羅朝

盤脍紅鯉夜燭舞青蛾雁斷知風急潮

平見月多繁絃與促管不解和漁歌

杜牧吳松夜泊詩  
清露白雲明月天與君齊

權木蘭船風波烟雨一相失夜泊江頭心渺然

許渾泊松江渡詩  
故國今何在扁舟竟不歸雲移

山漠漠江闊樹依依  
晚色千帆落秋聲一雁飛此時

兼送客憑

樞依沾衣

碧樹吳州遠青

山震澤深無人蹤范蠡烟水暮沈沈

皮日休松江早春詩  
無一事分明數得膾殘魚

安恐未如穩憑船  
絃無一事分明數得膾殘魚

吳融松江晚泊詩  
吳臺越嶠兩分津萬萬檣

烏簇夜雲吟盡長江  
一江月更無人似謝將軍

宋陳堯佐吳松詩 平波渺渺烟蒼蒼  
菰蒲鏡熟楊柳黃扁舟繫岸不忍去  
秋風斜日鱸魚鄉

王禹偁泛吳松江詩 帶篷疏薄漏斜陽  
半口孤吟未過江惟有鷺鷥知我意  
時時翹足對船窗

范仲淹吳松江上漁者詩 秋風出沒風波裏  
人但愛鱸魚美君看一葉舟

司馬光江上漁者詩 秋風出沒風波裏  
江起樞過烟波十餘里長蘆瘦竹映漁家  
燈火渺茫寒照水

蘇舜欽松江長蘆瘦竹映漁家燈火  
渺茫寒照水漁艇縱橫映遠汀  
濤面烟生昏落日嶺頭斗轉混珠

星鳴榔莫觸蛟龍睡舉網時聞魚鱉腥  
我實宦遊無况味擬來隨爾帶笭箬

梅堯臣憶吳松江晚泊詩 念昔西歸時  
晚泊吳江口回隄遡清風澹月生  
古柳夕鳥獨遠來漁舟猶在

後當時誰與同 涕憶泉下婦

范致虛泛松江詩 黛潑峯巒安用染  
鏡澄湖面不須磨已驚張翰鱸如玉  
想見西施髻似螺目斷樓高

知水闊雲開山盡見天多吾家  
本是烟波主好仿漁翁一曲歌

劉宰松江道中詩 久作松江夢重來泛短篷淡雲  
飛急雪枯葉戰狂風烟外三家市波心一釣翁鴟夷

身計了吳越

蘇軾與秦觀參寥會于松江詩

吳越溪山興未窮

強扶衰病過垂虹浮天自古東南

水送客今朝西北

風絕境自忘千里遠勝遊難復五人同

舟師不會留連意要看斜陽萬頃紅  
元方夔舟泊松江詩 尊江幾度醉張翰屈指今纔

二十年昔日米囊愁破釜暮年詩卷壓歸船飛飛燕

子依風席漠漠楊花點客艫草遠  
烟濃迷處所鄉心飛去白雲邊  
趙孟頫吳松江詩 壯氣浮孤劍餘生寄短篷戰塵

昏夜色積雪眠春風北望旌旗闕南歸郡邑空江花  
與江水客

思兩無窮  
黃滔松江舟中詩 山房偶爲故人留又領飛雲過  
別州白浪干花帆一葉茫茫天地此生浮 移舟夜

泊華亭縣忽聽吳歌思渺然最憶  
殿山湖北寺白雲堆裏看青天

蕙柳刺揚帆松江甚駛西望吳諸山快而有作  
風秋水清浮波片帆送舟如擲梭篙師絕叫雁起  
但見流沫翔盤渦汀蘆雪舞花婆娑綠淨已消菱與  
荷青山蹀躞奔青螺倏忽過眼千羣多放情盍買鱸  
鄉驪俯以滿酌金叵羅醉拍銅  
斗踏浪歌松江之樂其如何  
貢師泰吳松江漫興詩  
垂地寂無聲披衣獨坐過夜半撥刺跳魚時一鳴  
張憲賦松江漁者詩短檣輕舟白髮翁往來常在  
柳西東一篙綠水孤蓬外九點青山落照中不盡春  
光楊柳兩無邊秋興  
盛酒羊裘臥表海封齊莫論功  
周馳松江舟中詩久客思歸未  
與遠還僧吳松江上鱸魚美何處人家不下罾  
呂誠渡吳松江詩九月江江  
岸與秋連吳松江詩九月江江  
倪瓚畫吳松山色贈潘以仁詩  
半江雲嵐翠當窗落松聲隔渚問潘耶狂嗜古容我  
醉書裙鼓枕他年去相從遠俗氛又江上遇楊德  
朋詩吳松江上米家船遊近龜蒙舊宅前政似燕

鴻交泛泛聊憑書畫度年年槽牀滴雨誰沽酒破  
蒙頭獨坐禪莫學山僧空載月主人情重更留連  
又聞松江竹枝歌因效其聲 鈿山湖影接松江  
葉青青柿葉黃要寫新愁寄音信西風斷雁不成行  
權又畫寄王雲滿吳松江水漾春波江上歸舟發  
江歌邀我江亭醉三日鳳笙鸞吹拂雲和又寫松  
交歡少棹呂范張一宰小如壺雜黍時慰羈旅阿  
兄彈琴送飛鴻讀書頗有沈潛功阿弟煮茶鼓石火  
滿江春雨聽松風圖書四壁醒愁睡隱几塔然忘世  
慮扁舟一葉五湖遊身與閒雲共來去三月六日天  
氣清爲爾詠出詩無聲袖有青銅錢二陌爲余沽酒  
作魚

任士林季冬上浣六日曉發松江詩 冬霧比春濃

舟行口未東可能辭物役豈敢怨塗窮游興乘江水

交情付曉風流年今

白首何口慰飄蓬  
陶九成曉發松江詩 客裏東風促去程沙棠舟小  
布帆輕衝人鷗鳥雙雙起近水桃花樹樹明故喜吳

松堪寄食不愁江漢向屯兵經綸

事業成虛擲一寸葵心向日傾素空高帳灑天風溼

明高三百歸吳與無窮江淨滿雲月迢遞辭金闕

波色海霞銷秋芳渚蓮歌久期別釣魚磯今朝始拂

晚忘機舊鷗鳥相見莫驚飛又渡吳松江曬蒼藤

衣郭喧遠滄洲趣乘潮動旅榜霧散寒江樹遭時

靡靡出白鳥翻翻去不識對人村舟中望高樹遭時

嘆有棘極物漸無具不識對人村舟中望高樹遭時

向此鄉居飄零復何處上花枝日日開行人頭白不

袁凱吳松江上詩水流向滄溟更不回風雨惡夜深

能來請看門外東流水向滄溟更不回風雨惡夜深

流更不回行人白髮苦相催只恐詰朝風雨惡夜深

燒燭亦須來得徹吳姬玉手好琵琶上江花紅白最

莫怪狂夫得徹吳姬玉手好琵琶上江花紅白最

堪憐莫惜看花費錢他時白髮三千丈紅船使頻來

不少年松江水碧于天水上行人坐畫船使頻來

吳兒竹枝調爲君高唱百花前日花前金叵羅

多百年能有幾行過西起吳江東海浦茫茫沙塗皆沃



土當時此物不歸官盡養此地飢民戶紅尖小麥畝  
二石荻蘆輪囷竟三尺紛紛赤線何足論瓜芋青秧  
密如梅飢民得此不復飢昔無一物今五衣子孫相  
仍二十載飽暖得與平民齊君思如天不可負君思  
能前不能後力微勢怯官不理一奄與強家有強  
家犬馬厭菽粟強家下陳盡珠玉君不聞江頭浦邊  
三萬家秋雨  
秋風夜無燭  
顯利賓詩 吳松三萬六千頃雷澤與之俱渺茫鴻  
雁一聲天接水葦葭八月露爲霜微風遠引漁人笛  
落日偏驚賈客航三十年來  
此來往塵纓猶未濯滄浪  
盧昭過吳松江詩 霜林纖月墮疏烟有客同  
舟思欲仙何處吳歌聞白苧滿江秋色坐青天  
程嘉燧吳松雨夜詩 聞江夜聞風雨桃花暮又疏  
亭水自長山星潦何如惜與故人別心知歸計虛君  
還向朋好先  
說右軍書  
厲鶚四月吳松好詩 四月吳松好天低樹壓橋青  
蘆界湖尾白鳥點山腰點水女初嫁樹魚童向鬢令

國朝

人慚寄食客思轉蕭蕭 四月吳松好商船發更稀  
城陰水楊柳港腹野蒿薇村熟知嘗酒寒多未減衣

垂虹亭上望

隊陳晚魚歸

抗世駿吳松立春詩

異鄉更窺橋月好焚香待曉燭風多被酒行寒景漸

幽夢何人共只有梅花分外清

滬濱江今在縣東北

案縣指華亭即今郡治也舊圖經云滬濱江口在縣東北一百十里

吳郡志曰松江東瀉海曰滬海亦謂之滬濱廣韻滬水

名也白虎通發源而注海曰濱

案白虎通發源東注海其水著大故稱濱也爾

雅江河淮濟爲四濱四濱者發源注海者也雲間志引

白虎通證滬濱以松江至此獨白入海也今與黃浦合

流不得謂濱矣且舊蹟已湮無

陸魯望漁具詩序列竹

于海溢曰滬吳之滬濱是也

輿地記云插竹列海中以繩編之向岸張兩翼潮上

而沒潮退卽出魚鹽潮礙竹不江側有滬濱壘蓋虞潭  
得去名之曰滬魯望所指卽此

袁山松防海處

舊志皆以袁山松爲袁崧今據晉書山松傳改滬濱壘詳古蹟兩旁有

東西蘆浦瀉于濱江

雲開志

永樂大典云松江水直趨而

東又七十餘里入海無復有瀆兩岸皆平疇茂林故壘

寂然其東西蘆浦亦止通潮汐而已

陳志

### 蘆子渡

元王逵詩 秋風兩岸著野水于

家繞隻履自東歸零亂霜天曉 派別松陵號松水何

明孫作詩 吳江東來三百里 東西相望似連珠

年此地列兩城干雉依稀照江沙 城北獨在渡名

大蘆君不見官渡於今屬蘆子百年富貴一朝悲高門

底尾千家狐狸不信但看蘆子渡日日船開秋雁飛

顧或詩 步出蘆子渡 渡轉蘆花村 結交漁樵客 絕跡簪纓門 豈無呷角詠 僅有捫登論 東家蓄牛羊 西

家足雞豚 亂離月 遊地何必問 桃源

唐文昌詩 耶城東來蘆子渡 萬頃蘆花失 江路明月清 秋作雪飛村中不見將軍墓

黃浦 在郡南境卽古之東江乃禹貢三江之一也 案方輿紀

要云東江一名上江亦自太湖分流逕浙江嘉興府境

至海鹽縣乍浦入于海又云今嘉興府諸湖蕩之水過

嘉善縣北流入松江府之泖湖又北會吳松江入于海

曹印焉海塘攷云東江已湮塞以今地言之在浙界而

支流旁及華婁金山南入海崑山志云東江自太湖分

流出白蚘湖入急水港由薛澗湖東南入海參觀庾仲

初揚都賦注張守節史記正義其源流支派若有可攷

然自海塘築塞三泖關於自北泖而南故跡盡湮永樂

中嘉定人周程上言三江水利乃以錢塘當東江郭志

又疑柘湖小官浦爲東江尾問說雖未確而于昔賢東

松江府志

卷八

山川志

三

木

矢之力故雲開志嘉禾志均未詳載自明夏忠靖開江  
通浦後漸廣開始有以東江目之者歷考諸說惟呂光  
洵謂黃浦可補東江之闕三江水利考謂東南由黃浦入  
海者雖非東江古迹亦今日之東江也二說足爲黃浦  
論戰國時楚黃歇鑿其旁支流土人相傳稱爲黃浦又

以歇故或稱春申浦

郭志

其首曰橫潦涇受黃橋斜塘及

秀州塘水

顧志原案引金處和三吳水政錄金藻三江  
水學張衍水利綱領云黃浦上源自黃橋斜

塘來黃橋斜橋自三泖來其上爲澱湖爲急水港爲白  
蠅江又自松江分派而來其言黃浦源流詳於西北而  
略西南陳志謂其源在杭州嘉興之水起自秀州塘浦  
其所未備也然考杭嘉之水有自嘉興運郡之婁青境  
散入泖湖者有自平湖運華金境散入黃浦非獨秀州  
一塘也今復條分縷析詳載三泖及西南受平湖諸水  
之東流至詹家匯爲瓜涇塘案舊時瓜涇塘亦支幹耳  
今爲水衝塌闕與浦等土

人但呼爲黃浦  
補不知瓜涇也

演迤而東凡南北兩涯之水皆入焉至

鄰家寺

案寺爲宋鄒運幹捨宅建名南廣福寺

折而北流趨上海縣東西

兩涯之水皆入焉

案今黃浦長二百五十餘里凡十有二曲自橫潦涇東北流趨郡郭南之

得勝渡折而東南過駟馬塘又折而東北至閔行鎮過

淡水懸又折而東南至金滙塘爲浦水一大旋折處也

由是直折而北闊倍于內右運廟港杜家行周浦塘吳

店塘四口凡十有八里俗呼長十入水勢較險自吳店

東北流至曹家嘴折而西北流三里至薛家嘴東折六

里爲夏家嘴北折六里爲蔓笠嘴東折六里至龍華嘴

俗呼三夾裏北折六里至陸家嘴與松江合流折而東

西北流九里直折而東至陸家嘴與松江合流折而東

北三里至太平嘴折而東南三里至陳家嘴北折六里

至爛沙嘴又九里直折而東至葛家嘴又三里入寶山

縣界乃東北流曲折十八里至老鸛嘴入于海自張涇

至厲港有米市馮家金家灣塌水得勝倉彭家巨漕

閑行鄰家寺諸渡每渡相距三里間有六里者自厲港

至關前有吳沖涇王家夏家夏笠草庵高昌南倉董家

老白大馬頭陸家楊家孫家關前諸渡每渡相距六里

東溝南塘諸渡每渡相距六七里不等存之以備利涉者問津焉 明洪武閒吳松江淤

塞永樂元年濬江通海引流直接黃浦闊三十丈遂以

浦名今橫闊二里許折而東北會吳松江以入于海

陳志

郭志又云今吳松中流已湮旣與浦合其出海之口雖名吳松口實黃浦口也合流之處逕上海而北其闊至六七里與陳志所謂橫闊二里許者又迥不侔矣今較郭志所云寬廣愈甚渾潮直入此兩涯支幹淤塞湖洳灘漲縱橫所由來也

唐陸龜蒙迎潮送潮辭序云余耕稼所在松江南旁田廛門外有溝通浦散而朝夕之潮至焉天弗雨則輒而留之川以滌濯灌溉及物之功甚鉅其贏壯遲速繫望晦盈虛也用之則順而進舍之則默以退

有類乎君子之道  
翫而感之作  
迎潮送潮辭  
二首  
寄聲於騷人之末  
江霜嚴兮楓葉丹  
潮聲高兮墟  
落寒鷗巢卑兮漁箔短  
遠岸沒兮光燭燭  
潮之德兮  
無際既充其大兮  
漁箔又充其細  
密幽人兮款柴門  
寂寞  
流連兮依稀  
舊痕濡餘澤  
椅兮潮之恩不尸  
其功兮  
歸於混元  
湖西來兮又東  
下日柴中流兮紅  
灑灑  
汀葭蒼兮水蓼枯  
風騷兮退爰長  
波兮數數一幅巾兮  
時晦搜瀛溶兮  
敏然而退爰長  
波兮數數一幅巾兮  
無櫻可濯帆生塵兮  
權有  
衣悵潮之歸兮  
吾猶未歸  
元張之翰詩  
黃浦春風正  
怒號扁舟一葉  
渡驚濤諸君來問  
民閒苦何用  
潮頭幾丈高  
明袁凱詩  
我茅堂南浦  
濤週阿千尺  
畫陰陰繁  
花映帶墟烟  
密弱竹留連  
海氣深寂寂  
軒窗惟鳥下  
蕭蕭風雨亦  
龍吟東家野  
老  
蒼淳樸酒熟  
瓜香數見  
尋  
普泰詩  
月照黃龍浦  
水黃南飛鳥  
鵲夜茫茫  
晚潮  
天接海門近  
秋草城埋  
滬  
瀆荒道上  
人家金井  
塌縣  
中官酒玉缸  
香秋來直  
欲  
通宵飲消得  
先生醉幾  
場



陳子龍詩 南浦微風動 蕭然颯 壘秋寒 潮天際出  
落日海西流 草樹津雲合 人烟朔吹收 可憐舟楫夜  
咫尺近

滄洲 朱彝尊詩 極浦連天闕 鷗濤壯海門 揚舲辭 驛路

放溜入雲根 白霧魚龍伏 蒼烟日月昏 樓臺朝作市  
雷雨暗翻盆 疏鑿千年久 舟航萬里奔 摩霄盤野鶴  
吹浪湧江豚 杳渺通長島 虛無出遠村 祠因黃歇起  
昔以陸機存 上客今何在 高文不

可論 乘槎應未得 搖落問乾坤 似呼名中浦 昭日斜  
高不 鷗泛黃浦詩 證古東江似 呼名中浦 昭日斜  
光灑灑 風斷勢迢迢 估客通羣鳥 耕夫沃兩潮 沿洄  
思夏傅治

薛澱湖 一名澱山湖 案青浦縣志云 說文 澱 水中泥也 上  
流勢緩 湖沙口積 以注湖內 漸成於澱 故湖以澱

名戴表元寄澱湖李隱者詩 在府西北七十二里 嘉禾  
倪瓚松江竹枝歌 皆作知

有山居其中湖之西曰小湖南接三泖其東大盈浦其

北趙屯浦蓋湖所以受三泖及西南諸港之水自二浦

以瀉於松江也舊圖所不載止有小湖在西北六十里

周回三里案薛澱湖西北有陳墓蕩名慶蕩陳湖高壑蕩雙底潭黃天蕩諸湖次第聯屬直至蘇州

對門舊圖所謂小湖在西北六十里與今形勢迥不相侔吳郡圖經云西北有白蜺

馬騰馬騰詳下谷瑋瑁青浦縣志云瑋瑁卽陸瑁陸瑋同音以致誤耳四湖舊圖谷

湖在縣西北五十三里馬騰西北六十里白蜺西北七

十里今白蜺湖在長洲界今屬吳江元和所謂馬騰谷瑋瑁相

去五十里間嘉禾志顧志作五七里澱湖周回幾二百里茫然一

壑不知孰爲馬騰湖孰爲谷湖也此湖古來鍾水之地

近者如白蜺湖皆成圍田湖之四旁亦有築隄爲田者

歲有水潦則瀦水益狹矣

雲間志

顧志云北由趙屯浦東

由大盈浦瀉於松江南由爛路港以入三泖又云其後

又載錡湖云有陸錡宅曰瑁湖曰邢湖曰新湖云皆在

西北以今考之澱湖之南有瓢湖

案今練湖北灘有瓢湖村而湖之跡不可

攷矣其旁有金銀東清東白西陳大葑諸蕩澆北卽蔓萊

洲皆涵浸相屬數十里其西過金澤又有西龜蕩雪落

漾諸水而不得其名者尙多古今世殊焉知舊志所書

非今之諸蕩邪澱山宋時在水心竝湖以北爲一澳曰

山門溜東西五六里南北七八里正當湖流之衝爲古

來吞吐湖水之地山門溜之中又有斜路港大石浦小

石浦通洩湖流後潮沙淤澱漸成圍田元初湖去西北  
已五里餘今趙屯大盈去湖益遠顧何家港及南北曹  
港受湖水以洩于江水患之多蓋有由矣

案今薛澱湖東西十八里南北三十六里周七十餘  
里嚴山已在陸地距湖四里餘較宋元時之寬廣什  
之三四耳北屬崑山南屬青浦湖有二洲北曰金家莊  
西南曰蔡浜湖源有二西由大小殊砂港承莫萊洲  
水西南由急水港承白蜆江水東南直趨爛路由柳  
達浦趙屯大盈之瀉于江者亦反南旒分達浦柳其  
支散入八門塘金澤港徐家路西黃圩港南陳港石  
塘東西二港東陳港長嘴港諸處今昔殊形源同委  
異顧志所云所以異于雲間嘉禾二志  
今時水勢又稍異于顧陳郭三志也  
宋張擴過澱湖詩 昨日過湖風打頭葦蒲深處泊  
官舟近人鳥語聲碎瀕海風煙日夜浮午飯腥鹹  
半銚菜客林顛倒一皮裘平生  
浪說在家好老向風波未肯休

衡涇遊殿湖詩  
疏星殘月向  
朦朧間入烟  
波一櫂

風始覺舟移  
楊柳岸直疑  
身到水晶宮  
烏鴉天際墨

千點白鷺灘  
頭玉一叢欵  
乃一

聲回首處西  
山渾在有無  
中

元戴表元過  
潑湖詩衆澤  
東南會扁舟  
西北經雪

融湖蕩白春  
動海山青歲  
事兼魚歎那  
謠詫蜃靈鳴

夷誰羨汝祇  
半空樓閣潑  
山寺三面蓬  
檣湖口船蘆

楊維禎詩似  
雨浪花平處  
水如天沽來  
村酒渾無味

葉馨時風不  
論錢明日垂  
虹橋下過與  
君停權弔三

賢得鱸魚三  
江東入海神  
姑繼禹潑湖  
開獨籠曩曩

戴山出三龍  
聯翻乘女來  
稽天怪浪俄  
桑土閱世

神牙亦劫灰  
我憶舊時松  
頂月月夜深  
夢接鶴飛回

王逢殿湖舟  
中懷謝倅詩  
月破山河影  
天垂霧露

陰西風寒不  
競東井夜空  
廡獨權槍波  
濶疏燈落木

深無官郵民  
際

思爾細論心

明徐階詩梯  
雲磴石興透  
逸華舸平川  
盡漏遲花

底鳥過鷺落  
辨柳邊風弱  
細垂絲隔江  
榜子魚爲飯

近水人家權作籬春賞此時

潭不惡獨和松露寫新詩

層隆泛灑山湖詩 鳧雁寫波容兼葭日氣濃天深

入雙槳水澗浸孤峯濁酒愁無客清歌響觸龍尊前

採秀句忽

到九芙蓉

國朝

高不驚夜渡薛殿湖詩 古廟依隴岸孤舟闖碧灣

天低烟霏歷浪走月浮沈魚浦宵書濟葦秋不禁

倚舷吹獲此  
長笛按龍吟

三泖

在府西三十五里其源出華亭谷

方輿紀要廣韻泖水

名華亭水也

春渚紀聞江左人目水之停滯不流者爲泖

陸龜蒙詩云三泖

涼波魚蘊動注曰吾遠祖士衡對晉武帝三泖冬溫夏

涼蓋謂此也祥符圖經谷泖縣西三十五里周回一頃

三十九畝半古泖縣西四十里周回四頃三十九畝今

泖西北抵山涇南自泖橋出東南至廣陳又東至當湖  
又東至瀚海塘而止朱伯原續吳郡圖經曰泖在華亭  
境泖有上中下之名泖之狹者猶且八十丈又案海鹽  
之蘆漑浦海鹽卽武原也行二百餘里南至於浙江疑  
此卽谷水故道水經以爲入海而此浦入江蓋支派之  
異也今俗傳近山涇爲下泖近泖橋爲上泖或者其與  
陸士衡朱伯原之言合案縣圖又以近山涇泖益圖曰  
圓泖近泖橋泖益闊曰大泖自泖而上縈繞百餘里曰  
長泖此三泖之異也或以須顧泖謝家泖爲三泖此二  
者在縣之東南一陂澤爾與古所謂三泖者相望五七

十里

顧志作七十里

殊不知泖自有上中下之名也

雲間志

太史

公云卯之爲言茂也

案史記樂書律中夾鍾夾鍾者言陰陽相夾厠也其於十二支爲卯

卯之爲言茂也言萬物茂也蓋卯與菲通與卯不同

谷水在其北金澤章練小蒸

大蒸白牛諸塘在其西葑澳走馬諸塘在其東泖橋之

外橫絕而東者秀州塘也

顧志

三泖爲吾郡勝地古今名

流吟詠不勝載沈愷曰嘗泛泖而西出八九里外遙望

烟樹模糊水光梵宇相掩映而一塔玲瓏秀出雲表若

小蓬壺何良俊曰登泖上浮圖見九峯環列帶以長林

與波光相映發帆檣凌亂交橫空碧中隔岸蒲葦點綴

如染迴塘曲浦以百數澄淨若練明滅樹杪遠望姑蘇



諸山其一二最高者隱隱在天外既而出倚層闌則四面通徹都無障礙清風時來拂人莫如忠曰入長水院歷庭廡沿新隄觀放生臺還叩精廬四壁深靜闐若無人少聞風濤怒號震薄之狀身如御虛樓閣飛動別一境界少焉月初上推戶視之則四望寥寥天無纖翳冰輪颺水金碧映發光芒射人幾盡遊之變矣

陳志

案長泖在今金山平湖之間雖已淤漲成田屬如支渠而其名尚存大泖在今華金之間已爲田爲蕩絕無形跡圓泖在今婁青之間周不過二十里卽舊志所謂近山涇之泖也其東支渠曰石曰周頭曹墳庵港長洲濃渢家灣廟涇諸港皆南受潮江嘉善之水東受元和葉庫王家金錢長洲諸蕩之水地與元和交錯自長洲蕩折而東北其支爲吳家灣泖甸清水港爛路山涇諸港皆北受薛殿練湖之水又東爲篤

唐石堰胡家路周蒟蘆駝駝涇諸水北受南北曹港  
之水及趙屯浦水兼滙于柳東南越古浦塘斜塘東  
則散趨走馬塘面杖港陸家曲諸支渠悉南逕詹家  
匯至橫潦涇達于黃浦乃江浙蘇湖杭嘉自歸之區  
黃浦之喉吭也若遇潦歲區區一區向慮莫能容著  
無如渾潮深入水緩沙停傍洲居民植蒲沾利沙遇  
蕭葦於墊尤易更閱數十年將爲長柳大柳之積嘉  
慶七年泖塔東南有大草墩者入官召變青浦令溫  
恭詳請捐廉置歸青澆書院時費相國淳爲兩江總  
制批贖尾云查書院膏火自應另行籌捐據請將長  
泖塔前草蕩捐廉承買歸入書院不便准行蓋三泖  
乃浙省杭嘉湖三府所匯歸由浦入海之處豈可任其  
淤墊報陞圖目前之小利而不顧遺害日後耶仰蘇  
州布政司速飭松江府確勘果係河心突漲無論其  
現在有礙水道與否概行犁平詳報以資宣洩毋許  
愚民貪利偷植艾蘆仍責成地保查察按月結報如  
違照例懲治嚴批若此其蕩至今如故况此墩而外  
爲蕩纍纍勢不至盡成平陸不止是在良有司思患  
豫防耳

宋宋庠詩緣鳴東陵已可憐更因雲實柱西田鑿

開魚鳥忘情地展盡江湖極目天向夕蒼灘多浸月

過寒新樹使發烟使君直欲

爾漁叟願賜樵青不計年

林景熙詩泖口乘寒浪湖心散積愁菰蒲疑海接

泉雁與天浮澤國無三伏風颿又一州平生漫爲客

奇絕在

元楊維禎詩天環柳東水如雪十里竹西歌吹回

蓮葉倚深香霧掩桃花扇小彩雲開九朵芙蓉當面

起一雙鷓鴣近人來老夫于

此興不淺玉笛橫吹鷓鴣浪堆

倪瓚爲文舉畫柳山圖詩華亭西畔路來訪舊時

蹤月浸半江水蓮開九朵峯酒杯時可把林叟或相

從興盡冷然去

雲濤起壑松

錢惟善泖湖詩西望蒼茫浴遠天芙蓉九點秀娟娟  
娟勢翻震澤蛟龍窟氣接高寒牛斗躔支遁每招過  
野寺天隨曾約種湖田倚闌不  
盡登臨興更駕長風萬里船

張光弼詩 泖湖有路接天津萬頃銀花小

浪勻安得滿船都是酒船中更載浣紗人

中峯禪師明本詩 年晚那能與世期水雲深處分

相宜菱蒲繞屋供農饔菱藕堆盤代午炊老岸欲頽

添野葑廢塘將種補新泥無心

道者何多事也要消閒十二時

邵亨貞詩 宿霧隨雲斂寒星著水明客舟移遠岸

戊橋報初更老覺馳驅倦愁思衰亂平故人筭黍約

歲晚更多情 橫泖清晨望人煙樹幾重三江歸禹

貢眾水會吳封雲倚孤村墟潮生半夜鐘田翁談古

跡隔水 是青龍

明王禕詩 入夜初過泖蒼茫與杏然大星懸樹杪

新月出帆前野酒聊供醉漁歌屢懶眠歸歎繡川上

欲辦釣 魚船

願清詩 扁舟下三泖試拂舊

綸竿鱸魚三尺雪飛上水晶寒

王世貞詩 莫言初地小但覺四天寬面面芙蓉鏡

層層薜荔冠 一泓鷺眼碧九點鷺頭丹頃響波聲合

漁歌夜色殘  
經歸龍藏易  
僧結屋樓巖  
我醉聲聞酒  
誰施法喜餐  
倦分禪榻臥  
閒借佛書看  
猶有餘根在

字官

莫如忠詩  
首夏初晴暢  
惠風壺觴沿  
清出花官行

琴絳樹陰成  
帷與渺滄波  
望若空增影  
空懸天鏡裏

知章乞便可  
投簪狎釣翁  
許

林景陽泛可  
投簪狎釣翁  
許

船浴景波濤  
雲外起涵空  
樓閣鏡中懸  
數行鷗鷺依

晴浴九點秦  
芙蓉隔暮烟  
詞客相

從訪古處秦  
芙蓉隔暮烟  
詞客相

莫雲卿詩  
夜來湖上月  
色清四空  
惟聞松水聲  
使君挽衣起  
索客呼酒長  
嘯荒鳥亂啼  
陰廊古壁僧  
初樓頭人語  
波心影沙磧  
煙分此邱九  
龍峯前一  
定吾生茫茫  
都欲浮何年  
擊浪宛然在  
姓字卽  
珠耀精芒直  
擻蛟官幽登  
臨勝蹟宛然  
在姓字卽  
今何暖暖  
卻待風流屠  
使君千古江  
山起光怪  
董其昌詩  
九點芙蓉墮  
蕊花平川如  
掌攬秋光人  
從隱後稱湖  
長水在封中  
表谷王日落  
魚龍迴夜壑

清鐘磬隔寒塘浮生已閱

風波險欲問暮蔭此一方

陸彥章詩澤畔楓林黃葉催霜天雲物對傳杯中

宵急艇衝寒宿數里驚濤對月來極浦蒼山遲半景

孤煙白鳥辨層臺歌到處

橫江發風壑秋清奏響哀

駱駝曾詩并序曰往余臥病淮揚舟中夢一小艇凌

波萬頃浩渺無際耳畔聞海濤聲舟人語余此小洲

也俄見一舴艋逆決而下勢殊可畏旣又抵一小洲

愁焉恍惚若有天竺大士問予爲握衣頂禮延佇者

久之遂醒蓋甲辰春三月間事也風塵十餘年曾不

自意視學茲郡追惟夢遊遂數問湖何許又不意

泖湖之中乃有湖音閣依然一夢境也聊成短

什樹影天風長送海潮音杯浮野渡占僧定閣映

空明沁客心飲吟人生原有定君平何必問升沈

陳繼儒渡柳詩秋老江蘋蘩夕空蕭蕭楓葉挂疏

紅那知三泖清秋思偏蘆花一寺中柳上空波疏

疊亂沙寺門橋斷半兼葭何從一借風帆力醉挾飛

鷗拍浪花斜陽約略水西頭餘景還能上竹樓天

際蘿蕪半窗練約

養歸處起雙鷗

國朝朱彝尊長水曉行詩

日晴千重樹風微一葉舟殘

星高太白重露滴牽牛菽乳新漿熟魚標小市收不

知葭莢岸吹

蛤爾何求

谷水 吳記曰出吳小湖逕由拳故城下谷水又東南逕

嘉興縣城西谷水又東南逕鹽官縣故城南谷水於縣

出爲澉浦以通巨海

水經注

陸士衡詩鬢谷水陽婉變

崑山陰陸道瞻吳地記云海鹽縣東北二百里有長谷

昔陸遜陸凱居此谷水東二里有崑山父祖葬焉

案袁字記

漢廬江太守陸康與袁術有隙使姪遜與其子續率族衆避難於是谷東二十里有崑山父祖葬焉水北

曰陽山北曰陰則此水在崑山之北也寰宇記谷名華

亭谷水下通松江

華亭谷詳古蹟

祥符圖經華亭谷水東有崑

山元和郡國圖志在縣西三十五里

案元和郡國圖志吳縣華亭谷在縣

西六十

五里朱伯原續吳郡圖經本之酈善長云松江東南

行七十里入小湖自湖東南出謂之谷水南接三泖

案水

經注引吳記曰一江東南行七十里入小湖爲次歟自吳東南出謂之谷水雲間志續以南接三泖四字今泖北有練湖潑山湖陸士衡詩所云卽此水也或曰縣之而已無他水可考

西湖卽谷水也東灘積卽唳鶴灘也鶴飲此水其聲

別清案圖經縣之西湖卽瑁湖也如陸士衡詩吳地記

寰宇志朱伯原續圖經言谷水如此而世傳如彼何也

獨祥符圖經曰谷水在縣南百五十步世之所傳其出



於斯乎

雲間志

顧志云舊志或以縣南舊西湖爲谷水或

以海鹽之蘆溇浦南入於浙江者爲谷水之故道新志則以華亭谷爲長泖之異名卽其所稱引如水經勝覽則谷水與二泖接如吳地記則泖卽谷水如寰宇記則谷水卽華亭谷而圖經亦有谷泖之名以數說參之則谷水有二縣南之谷水乃西湖之異名崑山西之谷水則新志所謂長泖之異名而華亭谷蓋因陸氏封邑而言又谷水之異名也

許尙百詠題華亭谷府南三里入松陵

舊以兩谷水

混而爲一又析華亭谷與谷水爲二故多異同通志又以經由拳故城者爲谷泖道崑山西者爲華亭谷麗西

湖上有谷水道院者爲谷水其說復殊今竝存之以俟  
知水道者又案俗傳泖中每風息雲開衝發井闌畢見  
蓋由拳故城也神異傳由拳陷爲谷水而城之故迹乃  
在泖中嘉禾志當湖北有華亭河東北行三百里入松  
江與吳地記合驗之地里皆三泖之疆界也但以谷爲  
河小異耳此亦一水二名之證也郭志云谷水卽三泖  
其西南受浙西諸水北受澱湖諸水由華亭界入於黃

浦

題詠詳  
古蹟

薛殿西南三泖西北請蕩漾

泖澱之間重湖疊澱顯蘇  
迷目而察其脈絡滌泗鱗

大在在貫通舊志從略補列之  
以觀其瀾朱沙急水請幹附焉

沈龍湖

一名黃浦瀆與長洲

今屬元和分界

北灘屬青浦

十二里西承陳湖太師田湖東

由彭家

入蔓萊洲陳今土

人呼爲長白蕩其支南洩于執洞港

西屬元和東屬青浦

朱家浜

道堂浜奚家浜張家浜長漚涇

一名長練涇

入急水港

蔓萊洲

廣九里與崑山分界

案今蔓萊洲西南屬元和西北屬崑山東南屬青浦

西承沈龍湖陳墓蕩水東由朱沙港以入澱湖

陳志其支

一由諸巷雙塔達湖一由廟港

一名注洋港

至石人廟達湖

一由朱巷港達急水港一達黃巷後蕩

朱沙港

西北承長洲

今屬元和

崑山諸水東入澱湖水迅與

急水港等

陳志

案今朱沙有大小二港大朱沙港北屬崑山南屬青浦

急水港

一名汲水

在青浦縣西南五十里長二十餘里闊處至

三十丈西接吳江白蜆江乃東江之上流也

郭志東江詳黃浦

案今急水港自湖口至執洞港口六里許爲下急水屬青浦又西爲上急水屬元和

周莊蕩

俗名張師圩蕩

在急水港南承白蜆江水東入沙田湖周

八里東灘自東蔡港至三陳子江屬青浦餘屬元和吳

江

沙田湖南沙蕩

竝由夏家港韓巷港東入澱湖

陳志

龜蕩

一名阮蕩

在澱湖西南與吳江分界周二十餘里

陳志東

南入楊廉蕩諸曹漾惟西灘入門塘至吳江路一角屬

青浦

楊廉蕩

一名楊  
寮蕩

周二里西承龍蕩水北承殿山湖水東由

斜湖田姚斲入大葑漾南支散入金澤市河

諸曹漾

周二里北受吳江路水西受陳思白蕩諸水其

源皆自龍蕩來南入雪落漾東散金澤市河東屬青浦

西屬吳江

雪落漾

周二里北受諸曹漾西受蘇家港邱泗潭趙田

諸水南入骷髏漾其支亦散入金澤市河東灘屬青浦

餘屬吳江

骷髏漾

周二里北承雪落漾水西受尖田孫家浜諸水

東南入馬騰湖西北角屬青浦餘屬吳江嘉善

馬騰湖

俗名馬斜湖

周四里西北受骷髏漾水西受南趙田鍾

家灣諸水東入橫港南周港北屬青浦西屬吳江餘屬

浙江嘉善

案雲間志稱馬騰在縣西北六十里今是湖正在府治西北相距道里亦合記之俟攷

大葑漾

周九里西北受楊廉蕩水西受金澤市河北受

新姚蘄西瓜漾諸水東入田山莊蕩南入周家蕩

周家蕩

周一里餘北受大葑漾水西受白米蕩諸水東

南入火柴蕩

火柴蕩

周一里餘西受橫港白米蕩南周港諸水北受

周家蕩水東南入長白蕩

長白蕩

周二十里西受馬騰湖水

自南周港南勝港來

西北受火

柴蕩鯉魚蕩

在西蔡北西白蕩在泥潭村西

諸水東由上塘港逕

蓮花漾達鵬魚蕩北屬青浦餘屬嘉善

鵬魚蕩

周十餘里西受壬水廟港西北受蓮花漾水東

南逕錢盛東黃二村豬爲龔家莊白蕩又東南逕高字

圩葉庫二村入葉庫蕩北屬青浦餘屬嘉善

葉庫蕩

周二十餘里西北受鵬魚蕩北受任鄧蕩水東

南達於泖其支南出爲章練塘

案舊志載章練塘在金澤南其源出陳湖東流

入泖其入處與泖塔對其一支東南流入泖者曰曹墳

港今攷章練塘西受汾湖北受葉庫蕩東達于泖地界吳江元和之間非府境也因附記于此

田山莊蕩

周二里許西由橫港受大葑漾水西北受北

莊陳觀扇諸水東入西陳蕩

西陳蕩 周二里西受田山莊水北受荷花池西陳諸水

東入大連湖

連湖

青浦志作蓮湖相傳土人夏秋聞水在澱湖東南西中輒洶得蓮子故名今則未之見也

引龍蕩澱湖水合瓢湖金銀蕩爛路港南入於泖

陳志中

有地一區

俗名飯圩

如泖湖而差小上有永靜庵

青浦縣志

湖周

七八里東連一蕩周三里許曰小蓮湖

王世奇同石庵張也倩蓮湖秋泛詩

趁晴一葦間中流水闌村荒恰早秋跨海長虹收雨脚穿雲新月

挂坡頭清時不羨劉琨楫仙侶還同郭泰舟對酒偶蓬蘆荻外數聲哀雁向人愁

瓢湖



元王逢飄湖月夜舟中短歌  
如舟兮舟如鷗我  
不知乘風兮風乘我為激飛爽兮飄揚  
騎星月倒兮  
相迎隨降沈寥兮金節舞空明兮文螭  
嬉游忘  
歸兮神界天借嗟白日塵一冥兮會孰知有清夜

金澤塘

自金澤東過大葑為橫港又東逕田山莊西陳

蕩又東逕黃田村南越連湖達爛路港

案前志載金澤塘泛及菴蕩雪

菴蕩周莊南里諸處非  
應之所逕也故悉從略

爛路港

在澱山湖東南引湖水南行入泖東為山涇港

西為金林蕩為金同路蔣家路爛路之西為連湖蕩金

同之西為鄒家蕩水勢迅駛四縣漕舟所由

郭志案  
爛路長一

十八里界大小連湖之間北接崑澱南通泖湖為今華  
奉婁金青五縣糧艘入湖運道水勢寬深惟泖口近起  
沙帶糧艘之自泖來者多  
由清水港轉入爛路港

湖泖東北府城西北諸水

泖水盡洩于浦湖水則半歸黃浦半入松江遶道分

流各循常軌如人身大絡然故卽次於滂漾以通脈絡焉

北曹港

相傳港以曹宣慰得名而青浦志作漕又以運道稱也統長一十八里

自澱湖東北

行北爲新河

元至元三十年於湖田開新港三條闊三十餘丈疑此其一也

其西爲三

分蕩自蕩而東至西虹橋皆宏闊迅駛湖水之泄瀉賴

有此耳瀕港田最下北岸有白澗南有叢基浜

相傳湖

爲叢取魚則湖化爲田多矣

有琴村阮村琴阮諸村田復高秋可種

麥

願今自長嘴頭港承湖水東流左納杜子港十觀音

港南厓港張家村港檀港西井亭港諸水右逕東西山

港落蘇港何家橋港又東過放生橋左納東井亭港言

家港水右逕一里橋卽詳二里橋卽盧三里橋卽張又

東豬爲三分蕩左納新河入曹港處名丁家港橫港蔣

墩港諸水右逕四里橋卽西丁五里橋卽東丁斜漚橋

六里橋三里橋二里橋一里橋諸港六里橋以下四港皆通琴村浜俗呼

六里琴材是也又東接青浦通漕門城濠趙屯浦水自北來會

昔時湖水東流由趙屯浦達江今浦水轉自北來至通漕門分流而西達斜漚港口與濠湖東來之水合流越

南曹港分逕御浦一支由通漕門繞青浦運艘停泊于

此

南曹港統長二卽舊鹹魚港自濠湖東南何家港東流納

龍河水東北爲斜漚入北曹港東出泰來橋北由黑橋港出柘澤

塘折北爲大盈浦南接柘澤東爲諸家塘上有曹宣慰

宅

顧志宣慰宅今廢

今自斜瀝南流至長條港口折而西右納

小港水過九峯橋又西右納周家港高家港水左逕義  
冢港六十畝港六號港又西過牌樓橋右納揚先港渡  
船港折而南爲西施灣至西小港西折越山涇至安莊  
達爛路爲青浦運道

連林塘

俗名連登塘長二千一百四十丈

西承葑灣塘水東流右逕蕩田

港東西竹管涇天仙河水自北來會過連林廟鎮又東

左納周涇

北通泰來橋

喬家港

北通趙家堰

洋翠涇

北通張涇塘

察樹

涇

北通沈涇塘

滬瀆港

俗名下北港北通沈涇塘

諸水右逕東西九曲南通

白駱家浜

通新開河  
張橫涇

又東歧爲二東出爲扁山涇達沈

涇塘南折爲干山市河繞麓而東爲秀溪塘

秦皇走馬塘

附橫山塘長一  
千六百八十丈

西承圓泖水東流過白圩港

左納葑灣塘水又東逕沈涇港

南通面  
杖港

過崑山北越西

山涇逕西竹管涇納連林塘水又東左逕陸徐涇右納

東山涇水又東爲橫山塘至橫雲南麓歧爲三其一東

流逕小橫山前爲橫浦塘其一自小橫北流爲小山塘

北至機山前爲雞鳴  
涇東折台秀溪塘

其一南注爲觀音塘

面文港

長一十  
八里

在走馬塘南西承圓泖水東流左逕周家

浜右逕朱家浜又東左逕始字圩斷前浜越西山涇又

東右逕胡家村大澗至長興橋南合徐村塘南流達古  
浦塘

古浦塘

西承圓柳東流左逕界涇

東逕三涇鮎魚  
浜達西山涇

右逕

潢泗涇

南流過橫  
江達斜塘

又東過斜塘北又東左納東西山涇

徐村塘水右逕姚涇

東南通  
石湖港

又東左納尤墩港水

由橫  
山塘

屈而南過射角蕩出錢家橋爲尤墩港其由錢家橋分  
而西者爲馬墩涇折而東南流者爲陸家浜皆出古浦

塘東過跨塘橋與秀州塘合

四十一保三區長五千六  
百三十五丈四區長一千

三百七十三丈四十三保  
一區長三千八百十六丈

葑澳塘

長三千四  
百九十丈

在圓柳東北受曹港水南流逕白米灣

又南過林陸合墓橋右納李馬浜界涇水又南右逕潘

涇左逕許巷又南逕連林塘口達葑澳塘鎮越走馬塘  
面丈港合圓柳東流之水南達古浦塘

西山涇 在葑澳塘東崑山橫雲之間承曹港水南流合  
竹管涇又南絕秀溪塘過橫雲山西麓又南絕走馬塘  
過崑山東麓過漾橋絕面丈港南逕施家村達古浦塘  
東山涇 承曹港水南流合東竹管涇出南白蕩東折至  
機山前會秀溪塘水南流絕面丈港達古浦塘

沈涇塘

柘澤塘附長  
三十六里

在府西五里南接秀州塘過秀野橋

北行西爲黃泥漕爲浪墩涇東爲沈村涇又北爲褚庵  
港過沈涇塘橋至富林西合橫山塘東合橫浦白橫浦

北流爲神山塘又東北爲八曲港自富林西北入鍾賈

山北行至永安橋爲柘澤塘入大盈浦顧志雲間志曰自

橋李城下水流東北則此塘所以瀉土流之水也往時

歲旱濬之遇潮漲則亦可以引松江之水以資灌溉蓋

昔時引浙水入江之大幹也今自青浦水躍龍門承大

盈趙屯二水南流爲柘澤塘過大生橋左逕腰涇徐家

浜朱香涇郁家涇諸家塘右逕利濟橋港俗呼黑橋港北吳

家浜通張塘又南至柘澤廟前過永安橋爲沈涇塘右逕

顧夏塘南通張塘張涇塘左逕西橫涇王家港東折至少

年涇俗呼三界灣港又折而南右逕南吳家浜折而東右逕察



樹涇

俗名赤遊涇

滙瀆港

俗名下北港俱南通連林塘

油車宅扁山涇

通秀

溪

左逕戚家村港石家涇落花涇

通王仙涇

六萬步港

通莊涇

又東至東橫涇

通橫山姑

折而南右逕鍾賈山港左逕盧山

浜又南過甘露橋左逕周涇右逕橫浦塘山折而東右

逕大可港村左逕西塘橋港又東至廣富林折而南左

逕一里橋三里橋古山水橋諸港右逕浪墩涇楊餅大

橋浜又南過廣濟橋左逕褚庵港右逕黃泥漕又南過

水雲亭右逕丁家浜左逕蓮池浜又南過秀野橋達秀

州塘

諸家塘

長十里

西起柘澤塘東行左逕董家浜右逕小涇

通南

哀橫

又東過葑蘆右逕蓮子涇王仙涇莊涇右逕朱灣

又東過天聖莊左納駱家浜野貓浜千步涇水

俱自崧宅來

右逕馬祁浜斜港至沈家灣南折而東左逕羅家港東

小涇又東過陳坊橋絕神山塘逕邵祁浜苧墩涇東西

吳涇薛山浜東南流逕薛山陽過鳳凰山達通波塘

神山塘

長七里

北受柘溪水南流右逕樂胥灘橫涇左逕葫

蘆兜

東通奈山港東南逕高梁橋達通波塘

又南繞神山西折而南爲神

山前港納張塔涇白蕩諸水入周涇又南逕張家村過

富塘橋合富林市河左逕長浜

南通八字橋爲東塘東南過張村橋舊宅歷百

家村達

通波塘陳家浜八曲港村後港又南過龍興橋爲沈村

塘左逕二里涇

東通波塘南通采花涇

右逕褚庵港又南達白龍

潭

崧宅塘

長一千七百四十丈有奇

自橫泖分支北流西折爲界涇爲

孔涇

原案孔涇俗呼林道浜西對望河涇東通郊店楊家莊烏塘細流百折至嘉定紀王廟鎮過江爲楊

林與江灣眞如南翔婁塘諸鎮接迹地產蘘廉薯蕷黃麻蒞菰之類嘉湖買販多從此道以避江湖之險然皆

淡淺稍旱則舟楫不前此濱江諸浦之通患也

爲東施浦爲管浦北爲七匯港

爲秋末涇爲篠涇

顧志

元謝應芳避地篠涇懷友詩憶昨方臥疴妻子呼

避兵登舟夜將半骨立心顛驚問兵今遠近言聞圍

闔城賴有風滿帆送我東南征信宿坐不寐鶴鳴近

華亭晚泊青龍江蘘廉而地青新知適相遇留我居

篠涇土風頗淳樸地僻難大寧我病日以瘳客來能

起迎老叟心自憐或謂詩骨清比鄰兩三家情親若

平生園蔬日持送酒壺時共傾  
強飲不成歡艱虞未忘情  
懷哉數君子雨打水上升  
爾零今何許吾將尋舊盟  
賣刀買黃犢子孫共春耕  
奈何西枝西磔石猶自鳴

橫泖

自北曹巷分支經唐行鎮

今青浦縣治

絕大盈東流

俗呼

十字港或謂橫泖起自大盈楊維禎橫溪義塾記云卽社學爲之今浦西鎮中萬氏宅猶稱學基則泖非自浦矣  
明過崧宅塘絕顧會崧子二浦東接胡涇爲東橫泖南

至樓下張管山前爲橫塘望龍歸庵斜入盤龍浦遂東

貫沙竹岡止西上灣

顧志

爲潘蕩崧宅低鄉洩水之徑道

陳志其左支爲干步涇

北通施浦

黃泥漚

北通陶蕩浜

松澤塘中行

涇裏浜七匯青山港諸水皆爲橫泖脈絡而青山七匯

崧宅爲支中之幹其右支爲腰涇

東通未達涇牛頭涇少年涇南村南通朱

漕北通中央涇西至五十保二莊浜笑連涇皆南通竹

區一畝西南甲字圩接橫泖朱漕新浜南通黃憲青墩港北

塢南通上江涇南通牛輪新浜南通黃憲青墩港北

青山廟伍家帶隱涇金壇涇祥澤塘諸港皆引泖水洩于

通波又東逕洞涇張涇諸港皆洩于俞塘案橫泖起青

橋東北由蒲匯塘直達龍華出浦爲便民橋隱涇一帶

低區宣洩要道今西半淺狹尙通舟楫至樓下打鐵橋

皆淤塞若遇霪潦無以洩瀉宜及時開濬三十四保

三區長四百二十五丈三十五保一區長七百四十六

丈二區長一千一百三十八保二區長一千二百八

百三丈三區長二千二百四十四保一區長一千一

明邵亭貞橫泖夜思詩宿霧隨雲飲寒星著水明

客舟移遠岸成拆報初更老覺驛馳倦愁思喪亂平

故人難黍約歲晚更多情

卷八終